

宋

會

要

宋會要

卷一百一十五

國朝之制車駕幸寺觀焚香園花遊宴其日內客省使至通事舍人閤門祇候並釋笏候密都承旨祇應諸司使以下並公服繫鞵與內侍都知已下常起居班首奉聖躬萬福應起居者皆然次殿前馬步軍以下于內東門廊南階下次執班杖供奉官以下於內東門南對立次諸班並常起居次舍人引宰臣以下應隨駕官並釋笏一班常起居非汎駕幸諸處並常起居曾起居止奏萬福執班杖供奉官候引駕回於內東門南對立常起居皇帝服釋袍出降座鳴鞭出內至寺觀殿上焚香訖宣從臣喫茶舍人引宰臣以下再拜就座喫茶訖復再拜退或宣道僧錄以下喫茶舍人引當御前躬三呼萬歲就座喫茶訖退皆躬三呼萬歲如賜茶餅或茶果即舍人宣勅喝賜如常儀如宣隨駕官對御食進酒賜酒就座如大宴儀應隨駕官宰臣親王樞密使以下學士三司副使知開封府使相節度使至刺史當直修起居注常從外知制誥待制統軍上將軍閤門旋定旨中書親王樞密及宣徽使並禁衛內行馬餘官並禁衛後序行駕回並從至門內方退應新授職官未朝謝特宣召者座次閤門臨時奏裁如視朝後非時行幸宰臣親王以下並公服繫鞵除不赴內東門起居外餘如上儀

野鴻  
於  
報  
各  
見  
本  
篇

太祖

宋會要

建隆元年四月十六日幸玉津園八月五日二年閏三月六日四年七月  
六日乾德二年六月十六日七月八日八月十二日開寶三年八月十九  
日開寶六年五月十日八月六日七年五月十八日七月六日八年四月  
二十六日九年五月十五日凡十三臨幸六月二十四日幸駕至湖州幸  
延慶寺九月十一日幸宜春苑二年二月十七日三年二月十八日又臨  
幸二年正月七日幸造船務觀習水戰是月二十四日二月六日三年十  
月二日四年正月十二日八月二十日乾德二年八月十二日五年二月  
一日八年三月十三日凡八臨幸十八年元會化門橋段修河丁夫二月二  
日幸龜山軍閘觀車十日幸城南觀修水櫃八月二十日幸崇夏寺觀修  
三門十月九日幸大相國寺乾德二年二月一日六月十六日六年八月  
四日開寶六年三月二十二日人臨幸十二月十二日幸新修河倉 開  
寶三年三月九日幸大清觀四月十一日十月二日人臨幸四年七月六  
日幸教船池詔近臣觀習水戰是月十七日乾德二年二月一日三月五  
日賜水軍將士衣物六月十六日七月八日四年九月十四日五年二月  
三十日三月十七日開寶三年四月二十四日七月二十九日八月十八

日四年三月九日五月二十七日五年三月十三日九十四臨幸九月十  
九日幸金鳳園五年十一月五日開寶二年十一月十一日二十三日又  
臨幸乾德二年七月二十二日幸北郊觀稼二年九月二十一日幸西水  
濱開寶二年七月二十七日十月二十四日八年四月二十八日又九三  
臨幸四年閏八月二十九日幸皇弟開封府尹北園開寶八年八月十六  
日十月二十七日又臨幸五年六月二十四日幸建瓯開寶三年二月十  
九日再臨幸六年七月二十五日幸鐵騎營賜軍士錢及羊酒有差八月七  
日幸飛龍院九月二十九日十月十一日開寶二年正月十一日賜從臣  
馬仍令天雄軍節度符彥瑰等十二人自降之十月二十四日賜近臣名  
馬四年二月十一日賜從臣馬九年正月十二日五月三日九七臨幸開  
寶二年七月十一日幸什碎寺十月二十四日三年十一月十一日御新  
健四年四月十三日九年八月十一日觀經藏化四臨幸八月十八日幸  
開封府三年二月十九日幸西苑庫五月十三日幸城北水碓六年八月  
二十八日七年正月二十九日又臨幸六年七月十日幸都亭驛八年四  
月十一日臨河亭閱新造戰船十八日臨汴水觀飛江兵士乘魚船習戰  
九年再臨幸七年五月十九日幸講武池習水戰是月二十九日七月六日

太宗

八月十四日軍士萬人各賜錢二十九日八年四月二十六日九年五月  
四日凡六年八月三日幸東水碓八月十六日觀魚九年五月  
三日又臨幸五月十三日幸新修染院十月二十七日九年八月十一日  
又臨幸十一月三日幸綾錦院賜錦工衣有差二十八日幸新修龍興寺  
十二月十一日九年八月五日又臨幸九年二月二十日幸禮賢院宅先  
是命魚風門外起大第一區器用儲待之物悉備以待錢俶仍賜禮賢宅  
至是聞俶將至先臨視焉又俶至三十日又臨幸九月二十七日再臨  
幸三月二十四日車駕注西京幸龍門廣化寺開無畏三藏塔七月三日  
幸晉王第觀水入新池先是命水工自左掖門按地形為大輪激金水河  
注晉王邸第帝自步出宮相視及水通乃臨幸八月十一日幸等覺寺凡  
月二十七日幸城南池亭八年十月將議巡幸遣莊宅使王仁珪內供奉  
官李仁祚與知河南府周繼勳同修洛陽宮室明年四月帝至洛觀其壯  
麗繼勳等並屢進狀太宗興國元年十一月二十一日幸相國寺  
九年三月七日端拱二年九月十五日又臨幸十二月二十七日幸玉津  
園四年十一月十三日再臨幸二年正月三十日幸講武池五年閏三月  
二十七日再臨幸觀樓船卒習船二月十四日幸新鑿池賜役卒三萬五

千人各十錢布一端三十日幸太平興國寺四年八月十七日五年九月  
十七日又臨幸同日幸造船務三年四月十七日八月二日又臨幸三月  
二十八日幸開寶寺六月二十六日三年三月二十八日登經樓九月十  
六日五年二月八日凡三臨幸五月五日幸新水碓是月二十三日九月  
十四日賜役夫錢帛有差十二月一日賜從官飲四年閏三月三日召近  
臣觀魚九年十二月十九日凡五臨幸六月二十六日幸飛龍院賜從臣  
馬各一匹三年六月二十九日宴從官六年十月二日雍熙二年九月十  
三日帝親選名馬賜近臣淳化三年九月二十四日閱馬賜從官馬一匹  
凡四臨幸閏七月十日幸白鵲橋臨金水河九月十六日幸造船院賜工  
徒人千錢布一端同日幸新修三館賜役夫錢有差三年二月十六日再  
臨幸十一月二十七日幸新修御龍弓箭直賜軍士錢帛三年正月二十  
八日幸乾明寺二月一日幸鄭國公主第賜射馬都尉王承衍銀器百兩  
帛百匹十六日幸西陵院命近臣縱觀織室機杼賜工役人錢帛四年  
八月十七日再幸賜綾錦使襲衣銀帶錢十萬工人衣服錢四月十七  
日幸建隆觀同日幸西染院二十六日出景風門駐輦觀刈麥十月八日  
幸齊王府賜銀萬兩絹萬匹十一月十九日再臨幸同日幸武功郡王第

七年二月六日幸新修御廩十月十日幸璧林苑十四日幸新尚書省八年三月四日幸安遠門賜修城卒人千錢九年正月六日幸景龍門外水碓帝臨水而坐召從臣觀之因謂曰此水出于山源清澄甘潔近河之地水味皆甘豈打關所及乎宋琪等曰亦猶人性善惡染習所然帝曰卿言是也四月十四日幸金明池習水戰帝御水殿召近臣觀之謂宰相曰水戰南方之事也今其地已定不復施用時習之示不忘戰耳因幸謂武官閱諸兵部試軍中之絕技者遞加賞賚登璧林苑樓前百戲皆作士庶聞咽鄧金錢令樂人爭之極歡而罷雍熙二年四月二十二日再臨幸五月二日出南薰門觀稼召從官列生于田中令民刈麥咸賜以錢帛迺幸玉津園觀魚張樂習射久之宴飲極歡而罷雍熙二年五月二十日幸城南觀麥賜田夫布帛有差二年二月二十七日幸新順驤院迺召近臣宴于後苑帝臨池釣魚令侍臣賦詩飲從官酒盡醉而罷四年四月十五日幸金明池觀水嬉賜從官飲帝曰雨霽天涼中外無事宜勿惜醉也因登苑中樓御金錢繒綵于樓下令人爭取極歡而罷淳化三年三月二十二日幸金明池觀水嬉命為號展之戲擲銀甌于波間俾軍人撒放取之因御樓船命奏教坊樂于池岸都人士女縱觀者億萬帝顧視高年皓首者



帝以白金器皿就賜之宴於宮中璫林苑帝作遊璫林苑詩賜近臣九月二十四日幸璫龍園駐蹕池東岸臨水謂近臣曰朕不至此已十年昔尹京日無事常痛飲池上倒載者無數今池邊之木已成喬林矣因顧教坊使郭守忠等數人曰汝等前日以樂童從我今亦皓首矣何光陰易得如此嗟嘆之久帝親引滿舉大白給郡臣盡醉五年二月二十四日幸南御莊觀稼

真宗

真宗咸平元年八月二十三日幸諸王宮九月二十六日四年四月六日以曹國公元徽將出閣臨視新宮景德二年六月七日大中祥符元年八月二日十二月二十四日寧王德舒王元偶宮皆臨幸二年九月二十四日幸開寶寺福聖院四年八月十一日景德三年四月五日大中祥符元年十二月十七日二年二月十九日三年十二月十七日四年五月十七日六年十二月十八日七年三月十七日八年八月四日天禧元年五月十五日十一月十一日二年十月二十七日三年四月六日四年七月二十四日

真宗

咸平三年正月十七日車駕駐北京幸太安寺紫微宮五月十三日幸金明池柳水心殿東向觀水嬉又西向觀稅渡揚旗鳴鼓分左右翼植木擎繒綵以為標方并疾進先至者賜之移幸瓊林苑登露臺釣容直奏樂于台下園闌百戲競集有戲熊令捧盞盤樂者遂宴于前殿肉水殿泊苑中召從臣坐者五皆數行帝歡甚從臣皆醉善遊軍士及諸獻技者賜物有差年十一月御龍營閹射弓遂觀稼于北郊四年四月十六日景德元年幸天駟監四年四月九日帝作金明池開水戰詩賜近臣大中祥符三年三月十三日帝作七言詩賜近臣和六年四月十五日帝作歌近臣畢歌凡四篇幸九月十八日幸大相國寺升三門四年十二月八日六年十一月十六日景德二年五月一日三年五月四日四年八月九日大中祥符二年二月十九日四年正月十七日令近臣留飲行香院九年正月十四日天禧元年正月十六日凡臨幸四年八月四日幸左藏庫賜主藏官吏器幣有差大中祥符八年八月五日再臨幸十一日幸御龍營閹射助弓賜簪錢有差遂觀稼于北郊五年二月二十三日幸上清宮景德四年八月八月大中祥符元年十二月十七日二年二月十九日三年十二月十七日四年正月十七日五月十七日六年十二月十八日七年三月十

七日八年八月五日大禧元年八月一日十一月十五日三年四月七日  
凡十二臨幸四月七日幸玉津園觀刈麥景德二年五月一日三年五月  
四日大中祥符二年五月六日四年五月四日觀刈麥秋福賜袪衣服  
緡錢五年五月十七日帝作觀稼詩近臣繼和六年四月二十五日帝作  
觀稼詩賜近臣九年五月七日天禧元年五月二日三年四月二十三日  
帝作觀稼詩詔臣畢杓四年五月七日凡十臨幸七月十七日幸三館秘  
閣閱書久之賜直官校理呂希哲書吏緡錢有差景德四年八月八日再臨  
幸真宗咸平五年七月二十一日詔有司每行幸翰林學士侍講侍讀樞  
密直學士並從不須臨時取旨大中祥符二年八月十五日幸駕幸金明  
池特詔御史中丞趙昌言預為憲官從游宴日昌言始也十年正月十九  
日中書門下上言次觀今月十四日皇帝詣諸宮寺焚香總三十餘處過  
百拜以上臣等侍從皆曾受灼昨崇政殿已而奏陳臣聞尊事萬靈固先  
情慮登用百禮乃貴時中在經久之從宜必裁正而惟久次望特命攸司  
裁詳定式自今車駕幸諸宮觀寺院正殿再拜及諸殿令群臣已下分拜  
庶幾禮義元叶通規不允自是再上奏懇請乃詔禮儀院詳定差減為景  
德元年正月七日幸天驕監賜從官馬三年九月十五日再幸賜從官馬

本監官吏將士總帑十一月二日車駕駐澶州幸開福寺城南臨河亭

卷之六

景德二年三月十八日幸軍器內弓箭庫賜官吏兵健綿帛有差九月二十五日幸太平興國寺至傳法院觀新譯經又至戒壇院召僧官譯經僧鑒賜茶綵有差八月幸掖門幸殿前指揮使班超馬射賜綵錢實從官於崇和殿三年四月五日幸御龍直班院閱弓刀技第賜綵錢又幸左驥驤院賜從官馬群牧使已下器帛有差迴幸崇文院觀四庫圖書及所編君臣事述賜編修官品帛書吏等綵錢有差遂宴從臣於崇政殿四年正月二十九日詔曰朕以春露既降時感載深祇謁寢園躬申奠酌蓋達誠于孺慕非敢樂於遊豫瞻彼山川時惟二宅而守舊之長留局之臣嘗憂之祇鑑黃之衆尅心望幸倚袂拜章况數舍之匪遙且成情之至確或迴輿駕言歷舊都慰其懷仰之心舉此省廻之典朕以來月二日暫幸西京所司準式二月二日次西京車駕由上東門駐蹕於迎鑾綵樓少頃入大內三月二日至西京五月幸天宮崇德二寺迴宴從臣於講武殿七日幸永芳園謁上清宮賜道士紫衣茶帛十二日幸廣化寺觀無畏三藏真身塔又至龍門南望香山寺還御廣化寺賜從官食移幸潯溪寺而至賜主事

曹紫衣賁民老疾者賜錢十五日幸廣愛寺會節園賜從官食又幸總仁  
演區二十四日車駕發西京幸白馬寺晚次廐師縣幸慈雲寺賜知寺僧  
紫衣僧衆茶絹自是所至為常二十五日次華隸幸永福勝果二院二十  
六日次榮陽縣幸大海寺玉像院護聖院一十七日至鄭州幸開元寺保  
安院二十九日次中牟縣幸智度寺四月二日幸秦國主公第十二月二  
十四日再臨幸八月七日幸寶相寺四年八月八日幸內藏庫賜從點劉  
承珪以下器幣官健緡錢大中祥符八年八月五日再臨幸大中祥符元  
年四月十八日幸晉國魯國長公主第並賜白金千兩綵二千匹五月二  
日幸玉津園南新亭觀刈麥並園官吏刈麥軍士賜物有差先是每歲有  
司正設饗殿於殿南主吏言旁有隙地請構亭以備遊幸及是亭成始御  
馬九月十八日幸石驤驤院賜從官馬一匹十二月十七日幸景德寺二  
年二月十九日三年十二月十七日四年五月十七日元三臨幸二年九  
月二十六日幸崇真宮聖院三年六月三日再臨幸三年閏二月十七日  
幸開封府射堂帝謂從臣曰朕昔尹京府先帝為創此堂俾之習射周覽  
久之多所感慕又至西京閱太宗御書圖數十軸遂宴于射堂帝作七言  
詩從臣畢賦十一月二十四日幸太一宮

宸會要

大中祥符四年十二月十七日幸玉清昭應宮四年五月十七日八年八月四日天禧元年十一月十一日二年七月二十七日三年四月六日四年七月二十四日凡六臨幸五年九月七日車駕臨視新作延壽橋因幸大相國寺上清宮二十五日幸故鄆王充王宮奠其畫像又宴相王元暉宮從臣官僚畢預帝作七言詩賜之元暉等奉觴上壽成陽裴衣命帶器幣繒錢又與宗室射于宮之西南亭中時從官退帝獨以中宮從僕幸元暉元暉宮又宴元暉宮夜三鼓而罷六年八月十三日幸瑞聖園觀稼帝作郊外觀稼詩近臣皆和八年七月二十九日再幸帝又作觀稼五言詩近臣繼和天禧元年八月六日又幸帝作觀稼七言詩近臣皆和八年七月十九日幸相王元暉表獻御衣金器繒繒錢凡八十詔迴賜之別資襲衣金帶鞍勒馬繒錢悉加常數又遣使賜城內諸王宮綉帟各有差八月五日幸會靈觀九年正月十四日天禧元年八月一日十一月十五日三年四月七日凡四臨幸二十四日幸端王元儼新宮賜元儼襲衣金帶鞍勒馬繒錢還幸相王元暉宮九年七月二十五日幸天清寺天禧二年八月一日幸景靈宮三年四月六日四年七月二十六日又臨幸同日幸

祥源觀三年四月七日再臨幸四年正月十四日幸建隆觀太平興國寺  
十七日結祥源觀幸資善堂

御幸

天聖三年五月十二日幸南御苑觀稼翌日帝諭宰臣曰昨親獲畔闢旁  
舍乳乳有穢杼之聲因召問乃一貧婦人紡織耳尋令賜與茶帛織造幸  
苦不免貧寒王曾等奏曰陛下深知耕織艱辛曲軫聖念實天下生民之  
幸五年五月三日再幸賜宰臣劉夢龍兵士等緡錢同日幸玉津園命殿  
前指揮使尉柳枝五年五月三日九年五月十一日觀刈麥許福賜耕耨  
錢絹衫履慶歷四年五月十一日觀刈麥種稻凡三臨幸八月十七日幸  
瑞聖園觀稼亭觀刈粟賜筵田兵士錢有差六年八月二十一日御帳殿  
賜近臣酒五行刈粟兵士帛有差景祐三年八月十七日寶元二年八月  
二十八日康定二年八月一日慶歷二年八月二十八日五年八月四日  
皇祐元年八月十五日凡七臨幸四年九月二十一日幸玉清昭應宮同  
日幸建隆觀五年十月八日帝同皇太后幸御書院辭休院學士宋綬僕  
記刻石院壁六年五月八日幸開寶寺靈感塔八年十二月十五日九年  
八月二十五日明道二年十二月八日景祐二年三月九日十二月十九

日四年八月六日寶元元年十二月八日凡七臨幸同日幸上清宮八年  
十二月十五日凡五年八月二十五日明道二年十二月八日景祐二年十  
二月十七日四年八月六日寶元元年十二月八日二年八月八日凡七  
臨幸十七日幸頌聖寺天聖塔凡九月十二日幸新修西太一宮路次觀農  
民熟耒種蒔賜茶帛有差十二月三日九年九月八日又臨幸同日幸舊  
安禪院十二月三日明道二年三月八日又臨幸八年四月三日幸金明  
池水心亭觀水戲移西樞觀龍船爭標又幸瓊林苑登望波臺宴從臣賜  
軍士緡帛凡四年四月三日景祐二年四月三日五年四月七日慶曆二年  
四月一日六年四月一日八年四月六日皇祐二年四月一日凡七臨幸  
十月二十六日幸洪福院明道二年三月八日再幸命從官遊覽山亭賜  
道傍耕耨茶絹十二月十五日幸景德寺寶元二年八月八月再臨幸九  
年九月八日幸順天禪院明道二年十二月八日幸祥源觀景祐二年十  
二月九日寶元元年十二月八日又臨幸同日幸會靈觀景德二年十二  
月九日寶元元年十二月五日康定二年十二月四日慶曆二年五月十  
四日二十三日凡五臨幸景德元年九月十六日幸萬壽觀二年十二月  
十七日四年三月五日寶元元年十二月八日慶曆七年十二月十五日



元四臨幸——中書景祐二年三月十七日詔開封府車駕行幸今後諸邑人不得升屋登高觀看如違犯勘鞠嚴行斷遣更有合行幹轄事件仰仰肅整禁衛所罕畫條奏三年二月七日詔今後車駕幸宮觀寺院令閤門依例喝賜茶酒四月十三日閤門詳定到東駕幸宮觀寺院支賜茶絹華第例詔依奏景靈宮會聖觀祥源觀萬壽觀上清宮建隆觀東西太一宮道錄絹七尺茶五斤刻道錄絹五尺茶五斤都監絹三尺茶二斤鑒儀守關鑒儀各絹一尺茶一斤宮觀主本宮觀都監各絹一十尺茶五斤逐宮觀道眾共絹三十尺茶二十斤駕經過起居道眾共絹二十尺茶一十斤延祥觀及諸道觀道眾共絹一十五尺茶一十斤駕經過起居道眾共絹五尺茶三斤太相國寺開寶寺太平興國寺啟聖院景德寺顯聖寺太清寺顯寧寺奉先禪院普安禪院慈恩寺僧錄絹七尺茶五斤副僧錄絹五尺茶二斤講論講經首坐各絹三尺茶二斤鑒義守關鑒義各絹二尺茶二斤僧眾共絹三十四尺茶二十斤駕經過起居僧眾共絹二十匹茶一十斤啟聖院普安禪院奉先禪院慈孝寺院各絹一十匹茶五斤開寶寺塔顯聖寺塔起居寺僧眾共絹一十尺茶五斤報恩院惠辯院惠聖院奉聖院水陸院崇福院法濟院明德院法雲院承天院并諸寺院僧尼眾逐院

共絹十匹茶五斤駕經過起居僧尼衆共絹五匹茶三斤太平興國寺譯經大師小師各絹七匹茶五斤同譯經僧各絹二匹茶二斤上元觀登相國寺佛牙閣僧衆共絹一十疋茶五斤八月十七日閣門言準詔車駕寺宮觀寺寺院令閣門依例賜茶絹更不候傳宣其迎駕起居僧尼道士致乞車駕親臨寺觀前後門經過即依例賜從之十一月一日詔今後除車駕幸宮觀寺院燒香及諸處遊宴即賜茶酒二年八月十五日幸奉先資福禪院十二月四日幸太平興國寺慶曆七年十二月十五日再臨幸同日幸啟聖禪院寶元元年十二月五日康定二年十二月四日慶曆七年十二月十五日至和二年四月四日凡四臨幸九月日幸大相國寺寶元元年十二月五日原定二年十二月四日慶曆三年五月十四日二十三日凡四臨幸三年九月五日幸睦親宅先詣祖宗神御殿次偏閣第舍賜帛有差宴宗室及兩制以上于都廳教坊作樂酒七行罷寶元元年十二月五日幸慈孝寺康定二年十二月四日皇祐三年九月一日人臨幸慶曆七年三月九日毀後苑龍船初有司請修以備幸御詔毀之至和三年七月二十八日幸景靈宮慈孝寺太平興國寺啟聖禪院景祐三年幸六親宅神宗熙寧元年正月十九日幸集禧觀清天寺醴泉觀大相國

寺三年八月二十日幸太平興國寺啟聖禪院景靈宮慈孝寺元豐二年正月十一日五年十一月凡兩幸太平興國寺啟聖禪院二十二日幸奉先禪院三年四月三日幸金明池觀水嬉移幸瓊林苑登寶津樓宴從官教坊作樂四年正月十四日幸集禧觀宴從臣于齋殿幸大相國寺二月十四日閤門言自來車駕幸宮觀寺院朝謁燒香迎駕僧道唱賜茶絹承例只告報祇候庫就賜飲乞今後依聖節南郊回賜例告報僧道等赴閤門差閤門祇候監散從之六年十月二十九日為步軍司言乞過車駕出新舊城門諸軍正副指揮使內留一名在營部轄從之六年十一月十六日幸太一宮次詣凝祥池崇禧殿集禧觀奉神殿以太一宮成也九年七月四日中書門下奉中太一宮言皇帝今後正月十四日詣集禧觀燒香次崇真殿行禮訖乞自凝祥池山亭子西街道入本宮凝暉門入東偏門至御閣降筆從之九年十月十五日幸開寶寺福聖院慶壽崇因閣以閣新成也元豐元年正月十四日幸集禧觀中太一宮大相國寺二年正月十四日晚幸元豐二年正月十五日詔上元節車駕登門及行幸燕所并令樞密副都承旨張誠一提舉幾案四月三日幸金明池觀水嬉三年五月十六日幸蜀國公主第覲疾因幸陳國長公主第五年正月十五日幸

哲宗

集禧觀設祥池中太一宮大相國寺六年正月十四日幸集禧觀中太一  
宮履衆觀大相國寺十一月九日恭親萬壽觀乃幸凝祥池中太一宮集  
禧觀六年十一月二十四日宰臣王珪等言車駕幸尚書省自尚書以下  
並巡秩月等職在外輔豈可復與諸曹制憲聖恩宿不自安乞復罷上批  
君臣之際惟義而已尚書以下既以推恩卿等義所當得毋固辭也哲宗  
元祐元年正月二十七日幸大相國寺祈雨五月十三日揚王穎剛王頴  
遷升第太皇太后皇帝幸其第詔題二子郡王子並特轉一官六月十二  
日詔自來行幸職事官帶學士待制者許隨駕不帶職合隨駕者仍舊四  
年正月十四日六年六月十四日七年正月十四日十一月二十六日八  
年正月十四日詔聖三年正月十四日四年正月十三日元符元年正月  
十四日五月八日凡九臨幸同日幸集禧觀五年正月十四日六年正月  
十四日七年十一月二十六日八年正月十四日五月八日凡八臨幸同日幸大相  
國寺五年正月十四日六年正月十四日七年正月十四日十一月二十  
六日八年正月十四日紹聖三年正月十四日凡六臨幸五年三月二十  
七日工部言車駕幸瓊林苑金明池舊制三月下旬取旨詔今歲權罷仍

依舊令支賜六年正月十四日幸禮泉觀八年正月十四日紹聖四年正月十二日元符元年正月十四日五月八日二年九月六日凡五臨幸九月十九日幸上清儲祥宮七年正月十四日元符元年十一月二十八日二年九月五日凡三臨幸十月十五日朝獻景靈宮退幸國子監賜農稷三品服本監官學官等賜帛有差六年八月二十七日詳定編修閣門儀制所言依舊制車駕行幸文臣待制已上並隨駕自改官制後乘止以舊日兩制即令隨從看詳典故兩省常侍給舍諫議正係侍奉及給顧問之官理當隨從今欲包將上件官于新儀內修入紹聖三年三月二十七日幸中王府又幸端王府元符元年三月二十一日幸中王府二十二日幸端王府紹聖三年十一月二十七日皇城司言車駕行幸諸處即本處官司檢行檢察整肅排辦從來未著通用今文靖令後差八內內侍省長立使臣二人管押禁衛并行門親從人員二人節級四人長行二十四人應車駕行幸處所即先往本處計會官司再行檢察從之四年三月八日詔自今遇車駕出新城令殿前馬步軍司取旨權差馬步軍赴新城外四面巡檢下祇應每驛馬軍二百人並於城外巡警四年三月二十日幸金明池九月二十三日幸中太一宮為民祈福也元符元年四月六日幸東宮

徽宗

辛丑間王府因幸宮成宮二年四月八日止幸華王第二十二日幸齊成  
官詔先朝從寵官並等第推恩而未有章與白男于孫恩澤亡後者賜銀  
絹有差並付其家五月九日詔北幸齊成宮其先朝從寵官等已推恩外  
其宮官貢使崇信軍節度副使韓維持復左朝議大夫致仕乃與一子宮  
觀差遣故孫國邵元王陶陳荐孫永孫家恭家各賜銀絹共三百匹兩二  
年正月十四日幸開寶寺慶壽崇因閏四月八日幸懿親宅三年九月二  
十三日幸潛邸餘勅何執中各轉一官 徽宗崇寧元年三月二十七日  
幸懿親宅王恩第三年四月二十四日幸金明池大觀元年三月三日再  
幸十一月四日幸太學遂幸辟廱詔國子司業吳綱等轉官改官循資賜  
章服文武學生授官免省試免文解賜帛有差宣和四年三月二日又幸  
禁酒章壽隆等轉官職詣生賜茶四年八月二十一日幸九成宮大觀元  
年正月十一日幸興德禪院以英宗神考誕育之地濮安懿王子孫可待  
與推恩三年正月二十三日幸佑神觀政和元年正月十三日宣和三年  
正月十四日七年十二月九日凡三臨幸政和三年正月十四日幸醴泉  
觀五年九月八日宣和元年七月二十三日三年正月十日凡三臨幸政  
和三年正月十四日幸醴泉觀五年九月八日宣和元年七月二十三日

三年正月十日凡三臨幸三月三十日幸東太一宮九月一日幸延福宮  
四年四月五日幸尚書省政和四年五月二十四日詔今後遇旦望冬年  
寧節重筭並詣宮觀燒香八月十五日幸筠莊五年二月十五日幸玉清  
和陽宮四月六日幸秘書省在省官皆遷秩一等人吏轉一資卒徒支賜  
有差六年六月五日幸陽德觀宣和三年正月十日七年十二月十日凡  
再臨幸八月二十六日幸建隆觀又幸太師魯國公蔡京賜第七年正月  
十四日幸觀祥池宣和元年正月十四日三年正月十四日六年正月十  
四日七年十二月十日凡四臨幸同日幸中太一宮宣和七年十二月十  
日又臨幸三月三十日幸寶林苑宣和元年三月七日幸舊衍宅十二月  
十三日又幸景王位宣和三年正月十日景靈宮朝獻既畢詣陽德觀等  
處曉香道過少保鄧洵武賜第時洵武在瑣特令止樂

食會

宣和四年四月十八日五年三月十三日十九日凡五臨幸四年三月二  
日幸秘書省御道山堂燂火俟班齊御右文殿羣臣起居畢移幸秘閣宣  
群目觀書及古器再御右文殿賜茶在省官轉官賜章服再御提舉廳宣  
三公宰執親王使相從官親御府書畫賜御書畫有差又出御墨分賜郎

欽宗

高宗

臣是日進早膳畢次幸太學八月十九日幸鄆王府賜諸王宴二十五日幸太清儲慶宮及重芳胎慶寺五年正月十四日幸上清儲祥宮七年十二月十一日又臨幸十一月十七日幸太博王黼賜第觀芝華親屬並推恩有差十二月九日幸神霄宮

御會要

靖康元年四月二十五日左司諫陳公輔言竊觀陛下以孟夏享景靈東西二宮遂幸陽德佑神觀夫誠心齋戒以薦明神瞻其威靈如在其上退而思之不忘于心豈容此日擁轡御具聲樂以肆游幸之樂耶伏望孟夏既罷即時還宮其餘行幸皆乞暫罷詔今後並享更不帶過宮觀饌饋飲食已曾減省可更令簡儉

御會要

十二月二日詔據群臣章疏請幸東南金賊狡詐難以便憑探報遠去中原專備一方可暫駐蹕淮甸廣四方有警皆易誤應除河北河東已相繼發兵及京師已應副運并委措置防托外可分留精兵料發錢物于應天拱泗州等處防守準備使喚增重中原之勢應合行事務令三省樞院同共措置施行令來巡幸即非遽都捍禦稍定即還京闕以侍二聖之復駐蹕



之地不為久計仰先次行下不得輒有興修改易以致勞費先是蘇州來  
赴幸駐蹕揚州行下知揚州呂頤治修治城池命膳部員外郎陳克幹  
領造行宮一行官吏料改軍兵衣治去歲庫部員外郎李海幹辦舟船  
路所報車發運使李祐淮南轉運使李鼎正并差隨軍轉運使十月一日  
車駕登舟巡幸淮甸宰執侍從百官三衛禁旅御營使司五將軍佐扈衛  
以行十四日次泗州十五日詔普詔寺塔下宰執從臣扈從二十七日至  
揚州駐蹕路廳軍吏官兵等昨自應天府扈衛從至揚州道路勤勞並與  
轉一官資合轉員者與員該載未盡者除具取旨十月十五日車駕巡幸  
淮甸壽寧寺詣禧祖以十神主前燒香

聖諭

建炎三年二月三日詔宰執百司諸軍並扈衛車駕渡揚子江是日至鎮  
江府十三日至杭州三月一日詔昨金人逼近金平南渡暫至殘唐勢非  
得已每念中原未嘗終食敢忘今累據探報金人軍馬已離揚州錢塘非久  
留之地使當稍進移駐江寧府經理中原可于四月上旬擇日進發應江  
寧府合預排辦並沿路一行程頓等事有司疾速施行務要前期起辦應副  
諸軍外餘事盡簡便不得騷擾三日命尚書右丞相葉夢得專一提領戶

部財用充車駕巡幸頓進使二十八日詔曰國家歷運中微干戈未弭時因巡省蓋頓權宜以江寧府王氣龍盤地形繡錯據大江之際茲惟用武之邦當各路之衝實有豎財之便將移前蹕暫駐大邦外以控制于多方內以經營乎中國尚慮有司排擯過于奉承百姓追呼疲于道路儻齊民之或擾豈非德之敗安將來巡幸緣路州郡及兩浙路江東監司江寧府不得分毫騷擾以安人心四月二十日車駕進發自杭州幸江寧府五月八日至建康府駐蹕舊江寧府是日改為建康府

### 聚會要

閏六月二十六日詔車駕幸浙西二十七日詔戶部侍郎葉份先次點檢沿路排頓去處知建康府湯東野充巡幸應辦事務官先次令往平江府排辦事件二十八日次鎮江府九月四日次常州荆溪堂五日次無錫縣

### 聚會要

紹興元年十一月五日詔紹興府駐蹕日久漕運艱阻軍兵薪水不便可移蹕臨安府令徐康國日下前去權知臨安府措置移蹕事務候席並到交割府事訖依舊同共措置十二月二十四日詔車駕移蹕臨安府留神武石軍統制官劉寶張宗顏兩項人馬仍且在紹興府駐劄聽候朝廷指

便起發令張俊統其餘兵並中軍將全裝軍兵結成隊伍準備扈從二十三日尚書省言車駕用來年正月十七日移蹕臨安府所有侍從百司官吏竊慮難以一併起發詔令侍從及百司官吏並自正月十日許逐旋徙便先次起發前去外留戶部侍郎並郎官一員左右司郎官各一員樞密院檢詳官一員樞密院官各一員左藏庫官一員量數見錢金銀隨從進發二年正月一日閣門官駕移蹕臨安府正月十日登舟今比附舊例畫一事件如一車駕登舟日更不視事至日禁衛行門等殿內排班皇帝出禁禁衛等迎駕自贊常起居隨拜三呼萬歲皇帝坐閣門官已下帶御器械官并祇應官等並一班起居次管軍一班起居官各宣名即宣名次引宰臣宣名常起居訖宰臣并管軍閣門官已下并祇應官等並頭中軍衣帶子皇帝升輦至柳舟降輦或乘馬臨時聽旨一沿路逐日往程處外三省樞密院起居并舟奏事先應奉閣門官已下并管軍並赴起居如有上殿官并閣門官奏事并舟奏事如臨早朝依例放一沿路州府縣鎮現任官并就本處迎駕起居不許輒離本界一沿路遇忌辰日臣僚並免起居一沿路如遇雨雪霜濕臣僚等並免起居一車駕至臨安府其日江岸禁衛閣門等並排立并應奉官已下宣定皇帝出禁城衛等迎駕自

贊常起居隨拜三呼萬歲次閣門官並合應奉官迎駕常起居訖皇帝升  
輦行宮或乘馬臨軒聽吉侍從并百歲欵乞依例于行宮門外迎駕起居  
詔依同太常寺言正月十日車駕進發移駐安府今參酌到合行事件  
一車駕自紹興府進發登舟日并至臨安府各合差侍從官一員詣天慶  
觀聖祖殿燒香其香並令入內內省請降付紹興府臨安府本觀收掌  
至日煇燒一車駕巡幸沿路所過名山大川係逐州府差官致祭令來乞  
令紹興府臨安府依例施行詔依十四日車駕至臨安府駐蹕四年十月  
一日宰臣趙鼎等進呈韓世忠奏報番偽賊馬自淮陽軍犯承楚州上曰  
朕為二聖在遠及天下生靈久罹塗炭屈已請和而黠虜貪憚不已復肆  
侵凌朕當親總六師往臨大江決於一戰遂詔先遣張俊統率所部軍馬  
前去應援韓世忠及令劉光世移軍建康十一日殿中侍御史張致遠言  
近緣警報車駕將親總六師往臨大江事屬機密恐合早降黃榜預行約  
束每事簡省務在不擾而集如稍有配率許人陳告仍委侍從台諫官悉  
察彈劾詔依同日詔已降指揮親總六師往臨大江其扈從臣僚從官可  
差孫近梁汝嘉王居正劉岑台諫趙需張致遠都司王紹檢詳陳昂郎汪  
汪思溫李元湍吳并百司官吏除侍從台諫官自合依例并三省無異院

已遣歸人吏外百司留吏戶部問部大理寺樞密院審計司左藏東西庫  
省倉內藏庫積貨務官告院馳防閤門御廚御馬院禁衛所皇城司通進  
司並量留官吏人兵外其餘三省樞密院諸房及應干曹部官司所等  
官吏并本管下人兵並令從便于諸州縣權暫寄居仍仰逐州縣照在行  
在日文曆已滿終更候續批勘請給內見條行在就都曆批勘仍令戶部  
依例分劈小曆前去合用錢米許與諸州縣應干見在儲司不以其何案  
名除朝廷日進條解下錢米不許又使外餘並許取候應副稍有闕缺許  
寄居官司官吏等徑赴尚書省陳訴具違戾當職官吏重制費憲仍並候  
審曉逐旋發赴行在二十七日車駕至平江府五年正月十九日參和政  
事行宮留守孟庾恭請車駕暫還臨安府詔依二十七日行宮留守司言  
臨安府狀勘會前來車駕進發于監橋章亭驛登舟出天聰水門念來車  
駕回鑾未審于甚處登岸詔章亭驛登岸備儀衛還行宮二十八日詔可  
于二月三日進發回臨安府劄與諸官司照會二月二日御史台太常寺  
閤門言已降指揮暫回臨安駐蹕令具儀制條令故事下項一車駕省方  
儀令車駕巡幸請還京及期出城百里外奉迎主當物務并監臨官免赴  
臨京再于五里外起居次日入問聖体一儀制車駕臨京諸城外奉迎赴

居休閣門儀內執政及兩省御史台官并尚書侍郎以上侍從官節度使  
俟迎駕訖分左右前道入內一檢會因革祀太平興國五年太宗北面曰  
禮院言鑒駕回京是日早留守文武百官並出城奉迎再拜起居如常儀  
退中書門下兩省常侍以下舍人以上御史中丞並引駕昇龍門下馬分  
班序立駕至中書門下橫行餘官不橫行俱再拜三呼萬歲俟駕過其班  
引駕官先至丹鳳門外立班俟駕至橫行起居再拜隨拜三呼萬歲分班  
俟駕退次日中書門下文武百官內殿起居如常儀一今來前項儀令改  
事比附參酌若依儀起居訖前導官前導緣今來車駕係來御舟進發宿  
恐難以前導兼員數止有三兩員若依今除主當物務并監臨官不赴外  
餘官出城百里外奉迎其合赴官數目亦是不多兼俟迎駕班退合赴近  
城五里外起居其經由道路窄隘或至日值雨慮恐難以赴赴及百里外  
即非程頓去處若行倉造待班幕次顯是勞費歛乞並行權免止依儀集  
應見任文武臣僚並寄居待闕官京官小使臣以上出城五里外立班奏  
迎起居一今擬定將來奉迎車駕節次其日留守率應見任文武臣僚并  
寄待闕京官小使臣以上並後省內將候止窄衣執杖子出餘杭門五里  
分立定待御舟所至舍人揖躬唱拜兩拜起居且躬留守奏聖躬萬福再唱

拜兩拜訖各祇候候御舟過並退內留守先入門赴章寧驛御帳下側立  
定候車駕降御舟入御帳坐管軍官徐並合從為祇應官欽乞免奏為  
留守自赴帳殿下立定舍人揖宣名奏為祇候留守升帳殿當頭問  
聖體訖兩拜如有宣諭又兩拜訖詣御座左側奏事如儀候奏事畢降階  
退皇帝升輦還內如宣馬臨時聽旨沿路官局並展笏迎駕起居應合從  
駕官并管軍臣僚祇應官等並從駕還內如儀一已降階俾車駕章寧驛  
登岸備儀衛運行宮面官免前導所有城內前導官緣道路窄狹亦乞依  
城外禮例更不前導詔依三日車駕自平江府次吳江縣四日次平望鎮  
五日次秀州六日次崇德縣七日次臨平縣七日御史台太常寺閣門官  
依修例故事候車駕還內次日文武百官內殿起居問聖體如常儀所有  
今來車駕還內次日起居問聖體伏乞朝廷取旨施行勘合已降指揮車  
駕候到臨安府依例作歇泊假三日詔候歇泊假滿日依自来條例施行  
八日至臨安府上來輦還行宮大內

不常儀

詔應昨日自臨安府扈從及隨逐官吏禁軍內諸司各與轉一官資餘人  
攝設一次內有該載不盡之人今有司取見諸實比類施行白身人候有

名目使

宋會要

六年八月九日詔將東進發三省樞密院百司以紹興<sup>四年</sup>隨從人數三分為辛  
差撥二分前去應<sup>中</sup>軍旅非泛支降錢殺差除並隨行在所處分外其餘百  
司常程事務並留臨安府依舊行遣聽行宮留守司與決內事有不缺者  
却申奏行在所令糾潛丁本司所管軍馬內揀選精銳一千人隨逐前去  
逆順留臨安府彈壓魚治殿前馬軍司事務侍從官吏互赴行在所共職  
應一行事務並請解移運錢糧草料之類並令隨軍都轉運使梁汝嘉措  
置應辦合行事件仰疾速條具申尚書省

宋會要

十四年三月十八日幸太學祝<sup>聖</sup>先聖<sup>禮</sup>畢御殿化堂頒手詔命<sup>禮</sup>部侍  
郎秦熈執經<sup>因</sup>子司業馬<sup>淵</sup>講周易泰卦賜<sup>開</sup>三品服已而還幸養<sup>事</sup>侍  
志二齋太學<sup>因</sup>子益官各<sup>轉</sup>一官選人改合入官大<sup>賦</sup>事已該永<sup>解</sup>解人  
與免省未該免解人與免解一次學生<sup>支</sup>賜束帛<sup>餘</sup>轉資<sup>擢</sup>該有差

宋會要

官

十五年正月十八日車駕幸景靈宮朝獻<sup>禮</sup>畢次幸天竺寺燒香六月三



日幸太師秦檜新第檜降制加恩妻封兩國夫人新婦封郡夫人孫女封  
今人孫並除直秘閣賜紫章服幹辦使臣推恩有差早七年二月十三日  
親祀高禩禮畢幸龍井壽聖院等處燒香十八年正月十四日車駕御  
靈宮朝獻禮畢幸天竺寺院燒香次幸玉津園十九年正月二十日二十  
年正月十八日二十一年正月十八日又幸三月二十二日以太一宮告  
成車駕親詣燒香十九年二月十六日親郊禮畢車駕詣太一宮恭謝燒  
香就西齋殿進早膳宣臣僚對御賜酒食自是郊禮畢並行此禮二十一  
年十月八日車駕詣景靈宮朝獻禮畢幸太僕清河郡王張浚第制以浚  
為太師弟保特轉送郡防禦使男直敷文閣子願直敷文閣子正松閣子  
仁並升兩職姪子儀子安子文姪孫元宗弼宗亮宗說宗益宗盛各轉兩  
官內子儀除兩浙東路安撫司參議官宗元除大宗正丞女新婦桂新婦  
並封郡夫人幹辦所以下推恩有差二十二年正月十八日車駕詣景靈  
宮朝獻禮畢幸延祥觀等處燒香次幸玉津園二十三年二月四日二十  
四年正月十八日二十五年正月十八日二十七年正月十八日二十八  
年正月十八日二十九年正月十八日又幸

高宗孝興二十五年二月十日御厨翰林司言自今後每遇車駕行幸去處從駕官令破器食酒果除宰執親王使相侍從台諫三衛管軍正任兩省都知押班卿帶御藥門司卿監郎官宗室選郡橫行五司官依舊供廄其餘除米麵物件不給外將合得犒羊酒果數開具牒臨安府佑定錢數徑行曉示合赴官等從人一面赴行在糧審院入歷批勘從之二十八年十二月十九日詔新知平江府陳正同知鎮江府楊傑以侍從官補外未經朝辭令赴太一宮隨班對御茶酒十八日詔軍頭司等子每遇車駕行幸收接唐突人除宗室宗女宗子宗婦外餘人各行毆擊比來諸人人亂有詢問急于得知擅行止約不得毀擊理宜禁止可自今後除就從快行從表當詢問入廟入殿御前祇應許設擊訖量問事因餘人不得詢問如尚敢違戾及本司人漏泄並依無故輒入通進司在斷罪仍令軍頭引見司覺察聞奏二十九年四月六日詔車駕行幸禁衛排立之後尚有諸色人從事坐卧誼譁往還不已甚失恪恭之礼可令有司立法斷罪止絕皇城司禁衛所如輒從容犯者不行以執從杖一百科罪

### 家會

紹興三十二年八月十七日孝宗皇帝已即位未幾元詔去年官吏扈從

孝宗

太上皇帝延幸建康者並已推恩自今日以後凡扈從無券曆者更不推恩以疑中侍御史張震言近因二所據屬申請應扈從官吏不魯給券之人令扈官司保明刺報檢正檢詳審度出給付引各隨從官吏未有不給券者今有此指揮則不係隨從之人例皆附會貨賂公行展轉相攀源源不已且當時視師正為捍禦大敵後死作人吏何緣從行此一項推恩已至一百十三人以類推之必皆非寔若更不為之限則遷延歲月無有了時政有是詔

降詔會集

九月十二日幸秘書省十三日孝宗幸秘書省如紹興十四年之儀帝賦詩群臣皆為和十年七月四日朝獻景靈宮回幸明慶幸燒香祈雨十四年七月十四日幸十一月十三日幸龍山教場抽籤馬軍按閱回幸玉津園十六年十月二十八日進早膳畢車駕幸候潮門外大教場田閱帝宗乾道二年二月四日車駕幸玉津園射次幸龍井凡幸駕行幸出郊皇太子及管軍應從駕臣僚並戎服扈從宰執已下凡從駕或宰臣及使相許從至某所臨時降旨十一月二十四日車駕幸候潮門外大教場進蚤膳畢次幸白石教場閱兵四年正月二十七日車駕幸景靈宮朝獻

光宗

寧宗

畢次幸天竺寺燒香次幸天竺寺晚幸玉津園十月十六日車駕幸茅瀨  
抽摘諸軍人馬按教六年十月三日車駕幸大教場蚤膳畢次幸白石教  
場按教八年正月二十八日車駕詣景靈宮朝獻畢天竺寺燒香次幸冷  
泉亭晚幸玉津園九年閏正月二十八日車駕幸天竺寺燒香次幸玉津  
園

宋會要

紹興二年四月八日進早膳畢車駕詣重華宮恭請至壽壽聖帝壽域  
皇后同幸聚景園四年三月二十六日如之五年四月三日進早膳畢車  
駕幸玉津園進晚膳慶元年十月二十九日車駕幸候潮門外大教場閱  
兵六年三月十六日進早膳畢車駕詣壽慈宮起居恭請壽慈慈皇太  
后同幸聚景園嘉泰二年十二月十日幸大教場按閱諸軍人馬三年正  
月二十八日幸太學祇謁先聖先詣至聖文宣王殿行礼次幸太學講書  
畢賜茶次赴熙烈武成王殿行礼次幸武學賜茶三月十六日幸聚景園  
嘉泰二年三月十八日車駕詣壽慈宮起居恭請太皇太后幸聚景園嘉  
元平閏四月二十七日車駕詣太宮一祈雨燒香次詣明慶寺靈感觀音  
前燒香二十四日御筆朕念常賜為珍夕暢靡寧雖已儕心致禱于宮中

外命群臣徧走名祀而精誠未至雨澤尚愆朕以二十七日親詣太一宮  
及明慶寺燒香仍令三省行下諸路監寺守臣各体朕意虔如祈求務獲  
通濟八年四月六日車駕詣景靈宮孟夏朝獻禮畢又以禱雨詣太一  
宮及明慶寺

全唐文

宋會要

冊

葉冊后宜在妃冊皇太子冊前

太祖建隆元年八月十九日制曰軒轅四星爰晉王妃之象虞舜二女誕彰內治之功崇陰教而敦國風體坤儀而修壺政茲所以正人倫之大本也瑯琊郡夫人王氏代襲勲賢心游圖史肅雍可以奉經紀勁儉可以率中閭寶鍾開國之祥允賴宜家之助淑慧天賦英徽日隆既俾太妃之賢宜正長秋之號可立為皇后所司擇日備禮冊命自後凡制書云冊命者多不行冊礼太宗雍熙元年十一月十七日制曰姬周之盛本自姜姬之烈虞舜之聖亦資皇英之助蓋化行于內而陰教以孚征正于中而人儲以叙始于宮闈造于家邦前典具存敢忘備舉隴西李氏柔嘉維剛和順積中茂慶著于侯藩威烈傳于勲閥頃自作嬪帝室毓德椒室承服垂風關雎播芳服阿保之箴誠知臣下之勤勞固已績茂公桑道光彤管而造冊之禮尚稽于徽命願翟之責未正于中宮宜考舊章煥茲綱禮法軒星而踐位配皇帝以為尊可立為皇后有司擇日備禮冊命自後冊命后妃皆寫告身用通地逢金花龍鳳羅紙以金塗標袋有司進入至道三年五月二十四日制曰王若法星軒之文正椒掖之號所以協宣陰

教敦厚人倫故鳩納美嬪虞之賢塗山允翼夏之德著之典訓刑于冢邦  
斯為大猷朕所祇尚秦國夫人郭氏生彼華胄歸于列藩婉嫔有儀柔嘉  
成性寅恭登奉上之德慈仁符逮下之規景命維新純熙載集俾用則舊  
章宜立為皇后仍令所司備礼冊命二十八日羣臣拜表稱賀又詣內東  
門奉騰賀皇后 真宗大中祥符五年十二月二十二日中書門下上言  
以中宮母儀萬國不可久虛位統詠先所請二十四日制曰朕仰承嘉運  
嗣守洪基恩厚人倫幸崇王化眷惟中壺賢有舊章宜得淑賢佐于慈  
愛敷明命誕告外庭德妃劉氏毓華高門鍾英甲族載誕閑和之質茂昭  
婉嫔之風覽圖史之格言早揚惠問躬組紉之銚績實顯令猷自升冠于  
掖庭頗賢更于歲月肅雖之美表率于六宮敦睦之仁協合和于九族事  
遵彤管兆協玉衣邦教幸隆嬪則攸著允賴盈成之業敢忘勵翼之勤皇  
太后慈念素深誨辭斯至愿選門閭為求良善得人果協于聖心班詔以  
開于列位擇茲吉日乃降命書贈中書令郭崇孫女將相之家簪纓不絕  
漸仁義于宗黨播柔芳于閭閻遂生賢明式耀勲緒炳倪天之表實出常  
倫謹佩玉之聲率由懿範蓋已動中國史言成矩模徽音藹闡慎簡齊協  
宜其升訓九列統齊六宮秉椒極之舊章陟軒星之正位於戲上承宗廟

之重下契臣民之則夫惟匪懈克廣令猷蓋爾孝恭事于文母執饗膳以  
佐饒端縱筭而承顏守其靜方濟以純儉使四海之內九族之中仰禋程  
之禮容識朝廷之婦順傳芳永世豈不盛歟可立為皇后仍令司擇日  
備禮冊命 仁宗景祐元年九月十八日制曰王者握符御宇體守文  
保于萬方允資外輔率乎六列賓藉中閑是以塗山之興協禹功而彌遠  
有華之娶贊湯祚以滋昌朕受命吳宮居尊夷夏念長秋之虛位覽上宰  
之教言且曰皇王之猷必端天地之本明關雎之風化美懿斯之衆多欲  
正邦基在求德聞詢于壺範敦此人倫誕告彤庭庸載懿懋贈尚書令龔  
王配饗太祖廟庭曹彬孫女生于鼎族教自公宮眷乃祖之孫謀著元勳  
于廟祀虔流令淑望鵠高華而性柔閑體含仁厚授國史以目覽節琛  
佩而有容宜登金屋之榮用表玉衣之瑞祥禴無闕龜筮協從於戲立后  
之規建國所繫上承宗祏之重內憑輔佐之勤思進賢才以昭陰教修紘  
統而降禮執圭璫而訓恭肅奉徽章欽惟永命可立為皇后所陳嘉會仍  
俟吉辰所因擇日備禮冊命 二十九日詔太常礼院詳定冊皇后儀制  
以聞礼院言皇后玉冊如皇太子制度用珉玉五十簡匣隨冊之長短實  
用金方一寸五分高一寸其文曰皇后之寶盤螭紐其綬并緣冊寶法物



即比附舊制，正並朱漆，以金塗銀裝。又準令文皇后服首飾花十二株，小花如大花二枚，並兩傍紫幘衣深青織成，為二大為並翟之形。素織五色，一二等青紗中單，繡領羅縠標幟，縠膝隨常色，以縠領緣用翟為章。二等大帶，隨衣色，朱衣縠其外，上以朱錦，下以綠錦，紐約青組，以青衣平帶。青鞵，為四金鈿，白玉雙佩，黑組雙大綬，半紋尺寸，與桑給同從之。十一月三日行冊禮，是日冬至，文武百官稱賀，禮畢復詣文德殿，庭立班內。臣二員，目內中承旨降皇后冊，寶出垂拱殿，捧冊，寶官俱指笏率執事人，以次捧舉，札官通事舍人導中書侍郎押冊，中書令後從門下侍郎押寶。侍中後從由東上閣門出，至文德殿庭，揖置札官通事舍人引冊，寶使副就位。次引侍中于使前，西向，稱有制，與儀曰：再拜贊者承傳使副應左位。官皆再拜訖，宣曰：贈尚書令冀王曹彬孫女冊為皇后，命公等持節展禮。使副再拜，侍中還位，門下侍郎帥主節者詣使東北，主節者以節授門下侍郎執節，授冊使跪受，興付主節，隨節立于使左。次引中書令侍中詣冊，寶使東北，西面立，中書侍郎引冊案立于中書令右，中書令取冊授冊。寶使冊，寶使跪受，興置于案。冊文曰：皇帝若曰：天地玄位，陰陽相成人道，實之以綱，大倫后德配之以熙，內治聖人有以端其本也。故造冊之迎。

言乎備詩人有以美其化也故周南之風著乎始粵朕冲昧祇若丕構深  
惟承荷之重輔佐攸艱用簡納賢明協于人神之望咨爾贈尚書令冀王  
配饗太祖廟庑曾彬孫女惟乃祖克有武力勤勞王家保勲不伐饗厥終  
履教流後昆薰然燕和善神憑積生此邦媛其漸漬醇醪發聞馨香所從  
來遠矣起居祖習不待姆師之訓風容矩度自為宗黨之憲長秋曠位陰  
教未序咨求訓範既正六列宗公鼎臣誦言于朝願即嘉時率申典禮朕  
以春秋之義必娶大國摯瞻之冢乃稱福耦謀及泰筮聘以殷主惟吉之  
從有命既集今遣使工部尚書同平章事李迪副使戶部侍郎參知政事  
王隨持節冊命爾為皇后欽哉夫惟肅恭可以事上天惟謙裕可以接下  
泰而能約則婦希至勤而慎思則悔弗萌懋乃后德修乃嬪職奉承宗廟  
儀刑家國永綏無疆之祉不其韙歟中書令與中書侍郎退復本班門下  
侍郎引贊案于侍中之右侍中跪取寶以授冊贊使跪受興至于案侍中  
興門下侍郎俱退復本班典儀曰再拜贊者承傳冊贊使副在位文武官  
皆再拜訖禮官通事舍人引使副押丹寶持節者前導捧冊贊官捧拜後  
衛如武以次出朝堂門由右并龍門入大慶殿門以由宣祐門至內東門  
附內戶入進內臣引內外命婦俱入就位如儀內侍詣閣請皇后服褙衣

冊寶至內東門外位使副俱東向內給事進南向位禮官通事舍人引使  
就內給事南向北向跪稱冊寶使李遵副使王隨奉制授皇后冊寶伏  
興退後位內給事入詣受冊寶殿閣皇后前跪奏訖伏興退內侍進詣  
使前而西跪受冊寶以授內謁者監使退後位內謁者監主當內臣持冊  
寶入內東門內侍從之以次入詣殿庭內侍贊引皇后降詣庭中北向內  
侍跪取冊次內侍跪取寶興進立皇后右少前西向內侍二員進立皇后  
左少前東向又內侍稱有制內侍贊皇后再拜：訖內侍奉冊進授皇后  
皇后受以授內侍內侍奉寶授皇后皇后受以授內侍訖內侍贊皇后再  
拜：訖內侍前導皇后升座南向內日引內外命婦稱賀如儀畢內侍進  
詣皇后前跪奉祀畢內侍前導皇后降座還閣內外命婦班退軍臣文武  
百官詣東上閣門拜表稱賀 英宗嘉祐八年四月二十八日庚辰即位  
次之制曰天子之有后如天之與地惠養萬物如日之與月臨照四方  
有稱號之書崇則臣民之世仰京兆郡君高氏生開闢之機而不自矜大  
處當貴之習而能安素約服在藩邸宜于室家輝映懋成嘉乃輔佐惟長  
然之奉養左右不可不虔惟六宮之表儀晨夕不可不肅正軒星之位  
以爲國風之倡舉是典冊告于治朝於戲邦教所基人倫茲重奎山啓夏

太任興周勤勞一時焜耀萬世乃其繼筭栢纘日侍慈顏衡統統時承  
宗祀庶幾天下之俗知我門中之私可立為皇后其令行冊礼令有司檢  
詳典故以聞治平二年九月十八日命參知政事趙鼎撰冊文并書  
十二月十六日郊祀礼畢帝御文德殿遣攝太尉宰相曾元亮攝司徒樞  
密副使陳升之持節冊命皇后冊文曰皇帝若曰惟坤儀承天以亨育萬  
物惟陰景配日以熙臨四方惟后德佐王以化成天下蓋風乎遠者必始  
于近正其國者先齊其家有年翼商塗山興夏降以二女茂昭釐降之文  
罔以大似幸稱大明之詠此有國之成憲古今之常道也可不慎焉朕猥  
當洪業獲奉皇圖襲先帝之大基承長樂之慈蔭粵承內助率迪故常咨  
爾高氏惟乃祖休有丕烈顯于家邦勲昭前人廣洽後世春乃淑哲雍和  
粹純貴而能去其驕動而能約以禮自矯藩邸肇正壹儀肆朕緝服輔予  
身勤矧慈壽徽音方資善繼六宮懿範宜有宗師故羣公卿士僉輝舊典  
遂加禴秋之飾先正長秋之位誕告有衆既顯外庭式契元龜協淑穀旦  
今遣攝太尉中書侍郎兼戶部尚書同中書門下平章事集賢殿大學士  
曾公亮攝司徒樞密副使尚書禮部侍郎陳升之持節冊命爾為皇后夫  
家人正內易所以顯于家中閨維進賢詩所以為之風首惟其繼乃德迪

厥善暢肅雍之化敦益斯之義而播美于彤史以充乎萬世豈不遒歟百  
官自文德殿移班閣門拜表稱賀又尚表箋賀皇太后皇后于內東門  
神宗治平四年二月六日即位未改元制曰王者制治常天法陰陽而布  
風化自家刑國正夫婦以穆人倫惟長秋之冠六宮首六教而允萬寓朕  
祇膺顧命獲荷丕基秩容典以敦睦禮經而必叙安國夫人而民德教  
業順遠義賢和鍾相嗣以提生積善祥而敷慶自居藩邸輔佐朕躬肅行  
佩以無譁鑒圖史而有茲屬繼承于寶祚用進陟于坤儀咨以食誥重于  
國體於戲晨昏養之文思謹奉于兩宮察盛祭之倫必虔恭于七廟著雍  
睦為嬪則尚節儉為民彝茂宣懿猷助我善教可立為皇后其合行冊礼  
令有司檢詳典故以聞 熙寧二年正月十四日命參知政事王安石撰  
冊文并書 四月二十六日上御文德殿遣攝太尉樞密使呂公弼攝司  
徒參知政事唐介持節冊命皇后冊文曰皇帝若曰自昔有天下必擇建  
厥配以承宗廟以御家邦肆朕受命奉循前烈考慎典冊以祈協于民神  
啓爾內氏懿柔淑恭旧有顯聞肇初惟祖顯亮帝室流德之澤覃延後嗣  
是產嬪嬙比嘉賢任越朕初載來嬪藩邸暨賴在中率礼無違以至祇承  
內事齊明夙夜罔有曠失宜崇位號表正宮庭令遣攝太尉樞密使檢校

太傅行尚書刑部侍郎呂公弼攝司徒右諫議大夫叅知政事王安石持  
節冊命爾為皇后夫惟興王產厥士女咸自內始達于四海朕克勤人用  
弗怠朕克儉人用弗奢朕克正人用無敢側顧爾爾廟相朕乃濟登茲於  
戲匪初惟報惟慎厥爾忱念茲朕以永饗天祿爾亦豫有無疆之福豈  
不建哉 哲宗元符二年九月七日皇太后手詔賜軍臣章惇曰朕以卿  
等上表請建中宮事集于兩宮皆以為莫宜于賢妃劉氏柔明懿淑德冠  
後宮誕育元良為宗廟萬世之慶中宮將建非斯人其誰可當所宜備舉  
典冊以正位號恭依慈訓即班札命八日制曰朕親以菲質紹承寶圖歷  
現王化之興莫非內德之茂惟時淑媛祇事掖庭生爾天材立我國本其  
涓穀旦升冠長林章婦直于家人婦母儀于天下賢妃劉氏心容具善德  
履參和弓輯祠謀全敬帶武之敏章覽考室遵占熊夢之禪誕降元良未  
行亨會屬中宮之虛位適軍府之有言以七廟祭祀必有以共承兩宮奉  
養不可以無助朕躬果慈訓欽聆玉音謂其有柔明之姿懿淑之德載育  
長嗣垂慶萬年亮非斯人誰可為后宜舉典冊以備以正位號之崇備告  
治朝是頒休命於戲虞舜之釐二女帝嚳之登四妃冠德後宮逮則貴人  
選還于永平之歲鍾英甲族近則德妃札命于祥符之年匪朕私恩具咨

故實而協修于陰教其篤叙于壹弄要若開離之進賢仁如膠木之運下  
成麟趾之信厚致茲斯之衆多燕及家邦永結福祚可立爲皇后令所司  
備礼冊命先是將立后內出皇太后手詔曰非此人其誰可當翰林學士  
蔣之奇載其語于白麻故有亮非斯人誰可爲后之語其後皇太后臨朝  
以瑤華無華被廢遷治元符立后之因詔之奇進所奉手詔驗其字畫乃  
劉友端所書之奇廉前奏曰當時降制用手詔語皆得旨不謂皇太后不  
知也皇太后諭曰當時實未常見唯九月二日先常來殿中云章惇等乞  
立中宮議已定欲初七日降制自換文字皆不曾見友端郝隨輩誤先帝  
多矣它日嘗布問惇立无待手詔是劉友端書外間有人進入文字皇太  
后未嘗見問何也惇遽曰是惇進入先帝云已得兩宮旨令撰此詔意于  
是二府以惇語奏徽宗及皇太后曰惇罪誠不可貸然不可暴揚者正爲  
先帝爾是時章惇專政結內侍郝隨以固權寵劉友端助之三人兇狡相  
濟故長樂手札惇撰史進入反端矯制書之宮禁事秘人莫得而辨也  
同日命尚書左丞蔡卞撰冊文并書二十七日上御文德殿遣攝太尉  
宰臣章惇攝司徒中書侍郎許將持節冊命皇后冊文曰皇帝若曰古之  
明王天立厥配以贊助其行事御于家邦朕嗣有令緒撫綏萬方若稽大

猷嚴所登建以奉宗廟非朕敢私國惟真人在帝所右咨爾賢妃劉氏懿  
柔淑指維德之行自初叙御率礼不越震風之厲協于聲詩乃生元子誕  
受帝祉立我國本垂休無疆朕率籲庶言恭承慈訓敷教在位莫如爾賢  
神人先諧命爾于翼其膺典冊正位宮庭令選攝太尉金紫光祿大夫守  
尚書左僕射兼門下侍郎章惇攝司徒右光祿大夫守中書侍郎許將持  
節冊命爾為皇后夫王化之美必自內始決于四海凡厥攸行罔不在初  
爾為順教能上承內宮化天下以婦道爾惟明故迪朕夙夜無怠以懋爾  
德毗于一人綏民天其申命于我家爾亦永膺多福豈不建歟禮畢羣臣  
請東上閤門拜表稱賀又賀皇太后皇太妃皇后于內東門元符三年  
二月二十八日敕宋即位未改元制曰朕嗣守今緒若稽前人王假有家  
所以始基邦教天作之合所以續成治功肆朕休戚惟古時憲咨爾萬方  
之有眾聽予一人之告猷順國夫人王氏徽柔懿和溫恭慈順宵旰然聞  
嬪于王藩夙夜在公克明其德朝夕匪懈淑謹其身茲入紹于基圖用申  
加于位號以承九廟之祀以刑四海之風於戲古先哲王肇修人紀庶朕  
士女御于家邦惟克報則罔有後艱惟克正則罔敢不正爾勵朕相予惟  
汝嘉朕其永孚于休爾亦受其福可立為皇后令有司擇日備礼冊命



徽宗崇寧二年六月上御文德殿遺編太尉軍臣蔡京攝司徒中書侍郎趙挺之持節冊命皇后冊文曰皇帝若曰昔之制后續王之事以聽天下之內治其義配于乾坤非有闕難之淑則不足以帥六宮非有猗木之仁則不足以羞淑善王化之美自其躬興播之聲詩後世永式緯朕時若以新協于前人咨爾王氏徽柔靜專夙蹈貞訓惟乃顯祖服勞王家慶鍾令人啓大厥後趙朕初載來嫺于藩爰還續承先緒相朕上帝登元子授生恪勤祇情夙夜靡懈膺受冊典神人允誥令遺攝太尉右光祿大夫尚書左僕射兼門下侍郎蔡京攝司徒中大夫中書侍郎趙挺之持節冊命爾為皇后惟先哲王建用皇極能使天下好于其家爾元誠其膺不僭爾克和其應不乖爾尚輔予惟以一德無偏基任專美于周則有宗惟時建無窮之基爾亦與有無窮之闡豈不建歟大觀四年十月二十一日制曰天地定位二氣合而萬物生日月並明四序時而百度正朕祇膺先烈嗣守丕圖顧脩身而治家將明家而齊外稽周雖正始之義攷思齊嗣徽之旨用昭儼極之尊爰求碩德之媛揚于路寢正厥坤儀貴妃鄭氏婉淑柔明謙恭靖密輔予內治顧已歷年懷養耳之進賢體樛木之通下警戒有相成之道愛勤無私謁之心鑒圖史之訓以持身謹珩珮之節

以率下德高禁閭位極元妃屬長秋之久靈致大臣之屢請速惟東漢得  
永平建之公近則真皇有祥符靈制之比龜筮協吉禋祀有光既勤績  
于壺中更儀刑于天下一人有慶萬世無疆於戲王假有家化玉質于陰  
教天作之合理非侍于人為靈永七廟之休表偕六宮之治惟久通濟非  
初其難用燕及于家邦永綏于福祿可立為皇后仍令有司擇日備禮  
冊命 十二月十八日議禮局奉御筆據所奏皇后受冊儀制頗未詳備  
比覽開元禮嘉禮冊命皇后於皇后殿張帷但設宮架樂進重翟諸位也  
門列仗之類其禮詳盡宜精加討論重別議定本局看詳臨軒冊使皇帝  
御文德殿服通天冠絳紗袍羣臣並朝服陳黃麾細仗依古用宮架冊使  
出殿門依近議不乘輅權以穆清殿為受冊殿其日皇后服褙衣其奉冊  
寶授皇后皆用內侍受冊訖皇后上表謝皇帝內外命婦立班揖賀羣臣  
入殿賀皇帝于內東門上接賀皇后其上禮儀註乞依進馬條令施行其  
會羣臣及皇后會外命婦班賀並乞遵用開元寶禮從之又按開元寶禮  
皇后受冊及內外命婦班賀皆于受冊之殿陳宮架用女工陞降行止並  
以樂節乞定樂名別撰樂章及修皇后謁景靈宮儀注詔付議禮局 政  
和元年正月二十五日皇后上表乞受冊排黃麾仗及乘重翟車陳小

駕回簿等詔依所乞其延福宮受冊依已降指揮朝謁景靈宮止依近例

二月九日

早一刻開內門文武百官未陞朝宮由右掖門宗室及諸司

使到主殿直由東華門左掖門入赴朝堂內外幕次換朝服未陞朝官公

赴殿庭立班俟皇帝赴文德殿西閣皇后冊寶降出由東正門門至天

德殿庭儀直侍中奏中嚴外辦承旨索廟皇帝服通天冠絳紗袍以出樂

作即御座樂止扇開太尉司徒入門奏正安之樂樂作至位樂止在位官

皆再拜侍中宣制曰冊寶妃鄭氏為皇后命公等持節展禮宣訖太尉司

徒再拜侍中退門下侍郎以節授太尉訖次中書令取冊授太尉訖興軍

於案舉案退冊文曰皇帝若曰王者體象二儀憲法兩曜登建正后以臨

兆民蓋以端本人倫始基化朕親承丕緒若稽前訓瞻國碩德以御邦

家咨爾貴妃鄭氏秉柔明之懿則賦燕婉之令猷襲慶儒宗倪天異表句

居藩儀垂輔朕躬感會雲龍之期浸膺禴翟之貴寤寐思服而有進賢之

志夙夜匪懈而無私謁之心深避外家之寵榮每堅冲慙履被獲功之典

策推以忠鳴無珠玉美麗之矜惟詩書理義之閑行高往籍德苞後是瞻

辰秋之久虛屬大臣之屢請朕考古以定命卜龜而見祥宜進正于中宮

俾專聽于內治今遣攝太尉某攝司徒某持節冊命爾為皇后大上承元

廟之禮案下降六寢之表儀位彌高則施愈光德益新則望愈重塗山祀  
夏太任與周風者六經垂譽萬世爾其益聖素蘊連配前人朕永享無窮  
之休爾有無窮之聞豈不超然太尉中書令中書侍郎復本班侍中取  
寶以授司徒訖興置于案舉案退司徒侍中門下侍郎復本班在位官皆  
再拜太尉押冊司徒押寶出文德殿門禮儀使奏禮畢皇帝降坐承旨索  
廟樂作入東房樂心所司承旨收伏在位官皆再拜訖退幕次俟太尉  
司徒詣文德殿庭復命訖文武百僚常服赴東上閣門拜表賀皇帝內東  
門司進殿賀皇太后 欽宗宣和七年秋宋即位未改元十二月二十五  
日制曰進賢而王化基道允賓于淑女正家而天下定議蓋總于嚴君朕  
蚤踐儲闈肇臨宸極仰遵聖訓當茂建於長秋俯重人倫肆誕揚于異教  
載涓良日敷告具條皇太子妃朱氏性稟賢明心存婉孌毓于慶曆素隆  
邦媛之風曠我震維夙倍陰儀之政居每親于圖史勤常謹于風環節儉  
萬車之功服澣袍而無厭和乎采芣之德撫列媵以咸均賓生申觀之豫  
彌荷中宮之瞻爰當履序方賴協心朕欲感甄勸耕爾則供後熟之種朕  
欲崇傳藏事爾則備親蠶之衣可以逮過于二南可以丕宣于四教是用  
褒其蘭馭登以徽塗煥繡禮于金根謫令名于王度制皆攷古思匪徇私

於戲焉水興虞遂故立興克使之勅堂山誦夏終成九功惟叙之歌勉維  
微音益光懿範可立為皇威其合行冊禮令有司檢詳典故以聞

宋續會要 后礼

淳熙十六年二月二日詔恭奉至尊壽皇聖帝聖旨皇太子妃李氏冊為  
皇后 十一日制曰續女子革三代必資於內助自家刑國二南寔首於  
正風朕嗣守宗祧始基王化恭稟聖皇之命儀圖婦德之良粵在初潛得  
君子好逑之配逮茲踐祚建長秋儼極之尊爰擇剛辰誕揚渙號妃李氏  
柔嘉而莊栗仁儉而靜專箴規不待於姆師言動率循於法度表應倪天  
之異藹著令猷慶鍾指李之祥宜為朕閨有來懿範作合朕躬吉占叶於  
和鳴盛禮光於隆降曩開恭邸已疏定國之封洎正儲闈遠錫元妃之冊  
就館早臨於甲觀抱孫久副於慈懷每娛侍於親庭實佐于子職憂勤  
在念警戒相成朕有漸文命之賢揖遜欽承於堯舜爾能法思齊之行音  
徽嗣罔於姜任祇奉國章俾儀坤極於戲予治外而后治內所以明人倫  
予親耕而后親耨所以風天下予欲奉三宮之孝養爾則助調於旨甘予  
欲嚴九廟之蒸嘗爾宜躬賦於滌濯協宣陰教訓迪聞彛益昭不顯之光  
長保無疆之祿可立為皇后令所司擇日備禮冊命 九月二十一日詔  
書撰冊文并篆寶文差同知樞密院事葛邲 十一月四日詔李氏立為  
皇后冊寶日分用正月十九日 十二月四日禮部太常寺言依儀皇帝

御文德殿發冊寶皇后受冊寶於穆清殿乞令都大主管官相視殿分權  
作穆清殿受冊寶行禮詔以後殿權為穆清殿 十五日禮部太常寺言  
皇后受冊合差內給事內謁者監并讀冊舉冊寶及夫主當內侍等官乞  
依禮例令太常寺具窠目報內東門司取旨差尚官司贊典贊等並係官  
人至日贊引行禮乞依禮例差內侍官三員取太常寺受冊儀範於禁中  
教習從之 同日又言依儀皇帝御文德殿發冊其日尚輦陳犬輦於西  
階下東向乞依例權不陳設從之 二十一日詔奉冊寶使差右丞相留  
正奉冊寶副使知樞密院事王簡奉冊取冊授奉冊寶使并後從冊同知  
樞密院事葛邲奉寶取寶授奉冊寶副使并後從寶戶部尚書葉薦 二  
十六日詔冊命皇后臨軒發冊寶禮儀使前導權吏部尚書鄭僑奏中嚴  
外辦權兵部尚書燕知臨安府張杓御前奏中嚴外辦吏部侍郎余端禮  
奏解嚴禮部侍郎李猷御前奏解嚴給事中胡晉臣承旨宣制中書舍人  
羅點奉節右諫議大夫何澹舉冊官權吏部侍郎陳騷權戶部侍郎趙彥  
逾舉寶官權吏部侍郎吳博古殿中侍御史范處義太常卿押樂右正言  
黃掄太常博士引奉寶冊使監察御史計衡引奉冊寶副使監察御史林  
大中引禮儀使太常少卿丘富協律郎舉麾詣文德殿下太常丞林湜詣

楊清殿門外太常博士兼實錄院檢討官汪達 二十七日詔皇后受冊

外符寶郎二員倉部郎中趙伯達太常寺主簿徐枏 紹熙元年正月十

四日禮部太常寺言皇后受冊依禮例率文武百僚詣文德殿次詣

重華宮拜表祓禱賀乞令禮部修撰候拜表祓訖令本殿官進入從之

同日又言正月十九日發中宮冊寶欲前三日赴文德殿庭并楊清殿門

外習儀其日禮部冊寶下並用介績緋衫從之 同日又言依五禮新儀

皇后受冊畢擇日乘重翟車有司陳小駕鹵簿儀仗朝謁景靈宮所有今

未皇后受冊畢欲乞先詣欽先孝思殿祖宗神御前行燒香之禮訖次詣

慈福宮朝謝壽聖皇太后次詣重華宮朝謝至尊壽皇聖帝壽成皇后其

朝謁景靈宮緣重翟車等未備今欲乞止用肩輿與龍檐子從之 十九日

上御文德殿遣右丞相留正知樞密院事兼參知政事王簡持節冊命皇

后冊文曰皇帝若曰天地合德所以成陰陽之和君后齊體所以聽內外

之治朕以菲質膺壽皇付託之重嗣有令緒永惟伉儷之懿稽經誦律亦

惟其禮之稱而已肆予慈訓俾進位于長秋神人允諧朕躬敢弗祗若咨

爾妃李氏慈明正淑備有嘉德夢月之祥倪天之表生于勛閭早昭惠問

越自初載來嬪藩邸克相朕躬以御于家邦日宣令猷警戒不怠自家刑



國誠可以正坤極而母儀天下矣今詢考卜筮顯設客物遣使正議大夫  
右丞相清源郡開國公食邑四千五百戶食實封一千二百戶留正副使  
大中大夫知樞密院事兼參知政事廬江郡開國侯食邑一千二百戶食  
實封三百戶王簡持節冊命肅為皇后於戲三代多內德之助二南為王  
化之基洪惟我家代有壺則姜任並美千載一時嗣厥徽音惟后時克予  
敬奉兩宮之養后則朕養信以致予順予欲嚴太室之享后則助蒸嘗以  
致予欽無險詖私謁則可以輔佐君子能恭儉節用則可以化成婦道佑  
我鴻圖光于彤管朕承休無戢后亦並受其福豈不韙歟實以皇后之實  
為文 紹熙五年七月六日詔恭奉太皇太后聖旨皇子嘉王已即皇帝  
位夫人韓氏冊為皇后八月十四日制曰王者體元以居正方臨中夏之  
朝君子治國先齊家爰舉長秋之禮乃眷菲涼之質仰承熙洽之期尊尊  
親親既隆于孝理大夫婦婦式懋于人倫播告大廷用予葦輿崇國夫人  
韓氏柔而而端敏肅靖而寬容居惟國史之運動中佩環之節頃奉重闈  
之命肆求名媛之良作合替藩光彰懿範朝佐于內彤朝夕至勤之恩警  
戒不忘有夙夜相成之道惟爾祖一德格天之業為我家兩朝定策之勲  
安社稷而勒功於鼎彝仍父子而配食于宗廟丕積慶美篤生令嫗茲予

入紹於基圖俾爾申加於位號以應隆慈之旨以明正始之風於戲書攝  
堯舜禹之傳朕實艱於負荷詩美姜任妣之聖心惟謹于儀刑服綈濯以  
躬儉則可以教行於宮中執饗膳以佐饒則以化成於天下助修治道益  
顯家聲可立為皇后令所司擇日備禮冊命 慶元二年五月二十四日  
禮部太常寺言皇帝御文德殿發冊其日尚輦陳大輦於西階下向東乞  
依例權不陳設從之 七月十二日詔書撰冊文并篆寶文差辰書樞密  
院事葉翥 八月十五日禮部太常寺言依儀皇帝御文德殿發冊寶皇  
后受冊寶於穆清殿乞令都大主管官相視殿分權作穆清殿受冊寶行  
禮詔以後殿權為穆清殿 二十七日詔奉冊寶使太常左丞相京鏜奉  
冊寶副使太保樞密院事鄭僑中書令奉冊取冊授奉冊寶使并後從冊  
參知政事謝深甫侍中奉寶取寶授奉冊寶副使并後從寶參知政事何  
澹禮儀使前導簽書樞密院事葉翥 九月十二日禮部太常寺言依五  
禮新儀皇后受冊擇日朱重翟車有司陳小駕鹵簿儀仗朝謁景靈宮今  
未皇后受冊畢欲乞先詣欽先孝思殿祖宗神御前行燒香之禮訖次詣  
慈福宮朝謝壽聖隆慈備福光佑太皇太后后次詣壽慈宮朝謝壽成惠慈  
皇太后次詣壽康宮朝謝聖安壽仁太上皇帝壽仁太上皇后其朝謁景

靈宮緣重翟車未備今乞止用有輿龍檐子從之 十三日禮部太常寺  
言十月六日皇后受冊畢率文武百僚詣文德殿拜表賀皇帝次移  
班稍東拜殿賀皇后次詣壽康宮殿下拜表賀聖母壽仁太上皇帝次移  
班稍南拜殿賀壽仁太上皇后次詣慈福宮殿下拜殿賀壽聖隆慈備福  
光祐太皇太后次移班稍東拜殿賀壽成惠慈皇太后其表殿乞令禮部  
修撰所有慈福宮壽慈宮壽康宮殿表俟拜殿表訖係本殿官進入從之  
同日詔皇后受冊外府寶郎二員吏部郎中張奎太常丞張震 同日  
禮部太常寺言發中宮冊寶前三日赴文德殿庭并穆清殿門外習儀其  
日禮部冊寶下並用介幘緋衣從之 十九日禮部太常寺言皇后受冊  
合差內給事內謁者監并請冊舉冊寶及主管內侍等官乞依禮例令太  
常寺具窠目報內東門司取旨差內所差尚官司贊典贊等並係宮人至  
日贊引行禮乞依禮例差內侍官三員取太常寺受冊儀範於禁中教習  
從之 二十一日詔冊命皇后臨軒發冊寶中嚴外辦翰林院學士傅伯  
寺御前奏中嚴外辦權吏部尚書許及之奏解嚴中書舍人謝源明御前  
奏解嚴諫議大夫劉德秀承旨宣制起居郎兼刑部侍郎張孝伯參知政  
事奉節起居舍人明經舉冊官太府少卿兼知臨安府王澂殿中侍御史

地處舉寶官

監察御史張伯璠金部郎中趙師範

太常卿押樂秘書郎

都管郎官黃士寅太常博士引奉冊寶使太常寺主簿張璉引奉冊寶使

太府寺主簿商飛卿引禮儀使秘書郎陳宗召協律郎舉慶詣文德殿下

秘書丞曹煥詣穆清殿門外秘書郎省校書郎陳岷九月二十八日詔

將來皇后受冊寶畢日命婦並免入賀十月六日上御文德殿遣右丞

相京鏜知樞密院事鄭僑持節冊命皇后冊文曰皇帝若曰乾元之大必

有坤元以合其德外治之聽必有內治以輔其成朕祇奉燕詒紹休丕緒

載攷古昔王化有基開雖首於周南家人誦於歲易蓋所以明君后齊體

宜崇伉儷以配宸極之尊是用遵隆應之旨彰作合之祥正位長秋其焉

敢後咨爾夫人韓氏淑哲自天靜專居體動中禮法丕勤姆師堂堂忠獻

實惟爾之舊門定策兩朝勲在王室濬源流光以大厥後宜其曾沙啓慶

覩天有子來賓藩邸維德之行底于踐祚亦既登建分仕塗教佐理初元

發令門而新彤管之輝進群御而有金環之喜適符亨會偕茲典舉祿儀

恭上三宮之徽號后乃母臨萬國夙有稟命容物顯設亶維其時今遣使

攝太傅右丞相京鏜副使攝太保知樞密事鄭僑持節冊命爾為皇后於

戲念之哉有周之興任姒並美曰任思媚能慕大姜之所行曰姒嗣徽能

續太任之女事詩雅稱述克繼是先后執婦道內則事姑又有二大母在  
上躬行揭則得於親承惟肅敬宗廟乃助予致孝享也惟欽奉重闈乃助  
予嚴至養也予欲崇儉宜安服於練綰予欲省耕宜率職於齒館言不踰  
閭則無私謁之心仁以逮下則有和平之樂并此衆善彰厥有常仰協今日  
同而無愧既予一人共承天命錫美開統則百斯易我國家無疆惟休后  
亦受福千萬年有永豈不韙歟 嘉泰二年十二月十四日制曰天下繫  
一人之本治必始於齊家王者形四方之風化允資於后德朕方務輯寧  
於萬寓孰其專聽於六宮春中壺之久虛屬重闈之有命聖賢妃掖作儼  
宸居爰即路朝誕揚顯冊青妃楊氏溫和而婉淑聰睿而敏明窈窕好述  
聲播睢河之遠恭儉節用志存萬古之建系遠綴於赤果選亞克於紫禁  
勳皆合度無煩女史之規巧出自然不待天孫之乞惟時堯母念我文孫美  
其冠於後庭使之見於內殿進止仰風容之盛勤勞殫朝夕之思象既炳  
於次星華遂參於榆狄秉心彌恪處貴益謙國籍陳前覽古今而洞鑑珩  
璜在佩諧韶濩以錫鳴占合壽房異符倪表朕追懷良佐孰紹芳猷顧寧  
居坐論以首陪必能追行事而踵及眾雖共屬事靡敢專茲奉壽慈之訓  
言俾正長秋之位號爰差穀旦進處椒房大合坤元者惟柔正之攸行而

在中饋者由巽順而無遂予欲嚴清廟之祀爾其躬織紉而奉盥予欲承  
長樂之顏爾必勤侍膳而佐駿撫育則宜勞瘁之過薦達則當寵寓之增  
用開百世本支之祥以慰兆民父母之望於戲遵永平之事故已先令德  
之登嗣大妣之徽音勉企思齊之聖內廟宣於陰教俯篤棊於民彝惟能  
明章婦順之成斯保綏將福履之固可立為皇后令所司擇日備禮冊命  
十九日禮部太常寺言依儀皇帝詣文德殿發冊寶皇后受冊寶於楊  
清殿乞令都太主管官相視殿分權作楊清殿受冊寶行禮詔以後殿權  
為楊清殿 二十七日又言依五禮新儀皇后受冊擇日乘重翟車有司  
陳小駕鹵簿儀仗朝謁景靈宮今來皇后受冊畢乞先詣欽先孝思殿祖  
宗神御前行燒香禮禮訖次詣壽慈宮朝謝壽成惠聖慈佑太皇太后其  
朝謁景靈宮緣重翟車等未備乞止用肩輿龍轎子從之 三十日又言  
將來皇后受冊畢軍執率文武百僚詣文德殿拜表賀皇帝次移班稍東  
拜殿賀皇后次詣壽慈宮殿下拜殿賀壽成惠聖慈佑太皇太后其表儀  
乞令禮部修撰所有壽慈宮文德殿表俟拜殿表訖係本殿官進入從  
之 同日又言皇后受冊合差內給事內謁者監并讀冊寶及主管內侍  
等官乞依禮例令太常寺具窠日報內東門同取旨差所差尚宮同贊典

贊等並係官人至時贊引行禮依禮例差內侍官三員取太常寺受冊儀  
範於禁中教習從之 同日又言發中宮冊寶前三日赴文德殿庭并穆

清殿門外習儀其日冊寶下並用介幘緋衫從之 閏十二月二十九日

詔命皇后臨軒發冊寶中殿外辦中書舍人顏斌御前奏中殿外辦權吏

部侍郎曾煥奏解嚴權工部侍郎兼國子祭酒李寅仲御前解嚴中書舍

人王容承旨宣制權禮部侍郎兼中書舍人林采參知政事奉節權戶部

侍郎王邁舉冊官殿中侍御史張洋左司諫宇文紹節舉寶官並舉御史

李景和監祭御史林行可太常卿押樂太常少卿薛紹太常博士引奉冊

寶使將作少監兼權尚右郎官陳景思引奉冊寶副使軍器少監兼知臨

安府李澄引禮儀使禮部郎官陳峴協律郎舉麾詣文德殿下太常博士

錢易直詣穆清殿門外太常寺主簿葉時 三年正月十一日詔撰冊文

知樞密院事陳自強書冊文參知政事許及之篆寶文參知政事張巖

二十五日詔奉冊寶使太傅知樞密院事陳自強奉冊寶副使太保參知

政事許及之中書令奉冊取冊授奉冊寶使并後從冊同知樞密院事張

說友侍中奉寶取寶授奉冊寶副使并後從寶權吏部尚書兼給事中寶

士寅禮儀使前導吏部侍郎張伯瑛 二月六日上御文德殿遣知樞密

院事陳自強參知政事許及之持節冊命皇后冊文曰皇帝若曰正二南  
而始化基詩所以詠后妃之德立六宮而聽內治禮所以章家國之和  
繼紹帝圖修明邦典椒壺虛位歷日彌長瞻我哲媛當冠妃掖太母有命  
庸建爾於長秋神人協祿朕其敢不祇若咨爾貴妃楊氏敬齊瑞靖淑  
日章維昔河洛之間受姓顯著綿綿系緒席慶延光懿德天成動合繩矩  
自其名參宮秩益播管彤見于長樂進止有度逮登配次星之衆亦既宣  
內則之勤日者展禮東朝揚徽鑲玉榮懷之祉行於我家是用虔稟薦音  
趣正位號螭璽米綬輦衣翟車詠合典章昭陳器物於以承天祿而表坤  
極也遣使宣奉大夫知樞密院事清源郡開國公食邑三千八百戶食實  
封一千四百戶陳自強副使宣奉大夫參知政事同提舉編修敕令永嘉  
郡開國公食邑三千九百戶食實封一千二百戶許及之持節冊命爾為  
皇后於戲念之哉朕惟中興以來三聖授受母儀儼極家法相傳雖克妃  
齊姬塗山配禹不是過也續美嗣徽惟后時克予欲享九廟而共玉璽崇  
吉蠲也予欲事重闈后備珍養奉怡愉也爾館親蠶相予耕藉示崇本也  
練常綃錦贊予卑服昭尚儉也使私諒之謁不行而和平之美可輯則予  
一人以懌后亦永有無疆之休不其建歟

臨軒發冊儀注並如慶元二



年十月冊皇后之制皇后受冊儀注並如慶元二年十月冊皇后之制皇  
后表謝皇后受內外命婦賀皇后會外命婦儀注並如慶元二年十月冊  
皇后之制皇后還宮禮畢率執率文武百僚詣文德殿拜表賀皇帝次移  
班稍東拜祝賀皇后次詣壽慈宮拜祝賀壽成惠聖慈佑太皇太后

全唐文

宋會要 冊命皇太子妃

冊命皇太子妃徽宗政和五年三月二十九日御筆朕  
嗣有令緒惟懷永圖御于家邦預建太子若古之訓揚  
於大廷以薦君臣父子大倫之恩以立宗廟社稷萬世  
之本無疆之恤申命于休年既冠于阼階禮及時而有  
室必主之配以宜其家可令有司選皇太子妃仍討論  
典禮以聞六年五月九日命翰林學士承旨王黼書撰  
冊文禮部尚書白時中書篆印文後王黼丁父憂改命  
翰林學士劉昉明書撰六月十三日制曰朕祗承天序  
懋建儲闈既假有家式厚人倫之本用求厥配助成王

化之基眷乃懿親惟時淑女誕揚顯命敦告群工少傳  
恩平郡王朱伯材女孺人朱氏毓德粹溫秉心淵靜以  
祇以順夙資天性之良有言有容允蹈公官之教家風  
素紹祖澤覃延慶在後人譽聞當世出自欽成之裔未  
嬪上嗣之賢朕臨御治朝講明盛禮縉紳在列金石充  
庭爰親飾於迺臣肆丕成於慶事著龜既吉薦鴈甫期  
宜侈閼休以昭異數燦然儀服之盛申以冊書之榮國  
典有期師言雅穆於戲合二姓之好是謂政先形四方  
之風率繇近始尚迪柔嘉之則往思盟饋之恭克稱龍  
床永膺燕譽可特選充皇太子妃仍令所司備禮冊命  
十七日發冊

冊文

以上續國朝會要

國朝中興會要無此冊

孝宗

乾道元年九月八日制曰建元良而正萬國有嚴天序  
之承明內則以風四方斯迪人倫之厚迺儲闈之貴  
允資妃閭之賢宜懋舉於典章用申崇於位號廣國夫  
人錢氏氣鍾和粹性稟靚淵生忠孝之家襲將相侯王  
之履遵圖書之戒備言容功德之全擢秀外嫺作嬪上  
嗣服飾盛筭加之美起居循珩璫之音茲予肇啟於青  
宮惟爾增華於彤管畫堂甲觀既升鶴葉之華綺紱金  
龜爰煥龍光之渥詔布綸言之寵載加冊命之優以篤  
邦彝且章婦順於戲受祉而施于子方隆豎撫之權治  
在齊其家尤賴肅雍之化祇承徽數益茂芳猷可立為  
皇太子妃令所司擇日備禮冊命

解不

七年三月二日

制曰門下御家邦而為治既茂於儲闈助已毫以寧親  
蓋有資於內梱眷時淑媛風著婦功方開二極之祥宜  
進元妃之貴肆頒顯命用播芳猷定國夫人李氏葉正  
而和靜專以肅望高閭參聯四姓之華行飾箴規久  
蹈二南之教惠問藹稱於冠族盛年作合於嗣賢固非  
衣絳緣以徼內殿之觀實乃正結褵以諧中饋之禮德  
容蘭郁久疏定國之封福祿州增爰啟春宮之慶顧元  
良之克立斯伉儷之魚崇副加昭象服之宜懿範應前  
前星之煥寔章明於嬪則孟敬戒於爾儀庸篤恩徽聿  
隆風化於戲佩珩璜而中節蚤膺君子之速事并總以  
承顏曾示人倫之正其祇家訓以對寵光可主為皇太

子妃令所司擇日備禮冊命辭不受冊

全唐文

宋會要親王娶

宋朝親王娶初賜女家銀萬兩以脩房從敲門用羊二

口酒瓶二十紅絹四十下定用羊二十酒瓶三十紅絹六十

臘面茶斤五十縛子茶斤五十果盤六花罩六花粉盒十二眠羊卧

虎花餅枚十頭帶紅綾絹匹三十塗金銀勝合二十羅畫勝合百

小色金銀錢十三十金釵釧十四雙金纏十兩真珠琥珀環

珞項二真珠翠毛玉釵釵二銷金生色衣各一塗金銀合

百兩錦綺綾羅共三其日女家獻象牙笏一玉帶金一塗

泥金綴珠衣七真珠翠毛花十枝戴花金塗金銀

鞍轡馬毛一銀鞍及絨紫絲席帽袋一羅金烏皮樺一塗

金銀合一銀錢文納財用函書通玄焦羅匹綾匹押函

馬匹半口五十酒瓶五十紅絹匹花粉套十果籃十花罩六塗金銀

勝合二十羅畫勝合二百銷金生色繡衣襲共十真珠翠毛玉

釵朵副三黃金器兩百銀器兩千衣看匹錢千五百錦綺羅綾匹二

匹生白綾絹匹六百房從則真珠翠毛水精玉琥珀瓔珞

瓏璫耳環面花釵梳冠朵共百二金釵釧纏粧具共百

兩塗金銀器鞍轡等兩五十綴珠銷金貼金戲金生色繡

衣百二十襲又散衣百八十鞋襪二畫勝合十五緋羅繡畫

銀泥帳幔圖鄣仰額壁柱箱籠牀衣照肥粉夾共二百

五色蠟燭杖百錦繡被五十檀褥簾席百四卓倚什物百八

鎮櫃錢銀絹各一馬銀四匹鞍轡副之又後人金釵五枚

銀飾粧具二百五十兩衣三襲散



衣二百三十帳  
親迎日命親王夫人一人往迎賜塗金  
銀裝檐子銀一檐子官人十三小殿侍人又給行郭二坐  
郭二方圓扇四引帳花十燭籠十釵插童子八人騎分  
及成禮之翌日宰臣親王使相節度使以上各進馬或  
銀稱賀各家兄弟或

禮

全唐文

嘉禮

宋會要

改元  
嘉禮  
要

太祖建隆元年正月五日詔曰五運推移上帝於焉眷  
命三靈改卜王者所以膺圖朕早練龍韜常提虎旅當  
周邦末造從二帝以征行洎喬嶽纏哀翊嗣君而纂位  
罄一心而事帝諒四海以皆聞一昨北虜侵疆邊民受  
弊朕長驅禁旅克日平戎六師纔發於近郊萬衆喧譁  
而莫遏擁迴京闕推戴眇躬幼主以厯數有尋行禪讓  
兆庶不可以無主萬幾不可以暫停勉徇羣心已登大  
寶宜改顯德元年為建隆元年改國號為大宋四年  
十一月十六日詔曰朕自三靈眷命五讓興邦躬親罔

大典卷五十一  
四十八卷一百  
六十九百二十四

憚於萬幾德教將加於四海歲時屢稔華夏大同蓋上  
穹垂祐於皇家非涼德自隆於昌運繇是率百王之舊  
制遵千古之憲章隆典必修無文咸秩潔犧罍而謁清  
廟被大裘而郊上天明德既馨神心有答乃迴金輅載  
御應門律且協於黃鐘日正臨於甲子順三元之更始  
庶萬彙之咸亨覃曠蕩之恩用慰黎元之望可改建  
隆四年為乾德元年 乾德六年十一月二十四日詔  
曰國家受天景福率土咸賓聲明洞照於萬方德教咸  
加於四海風雨順而歲稔于戈戢而刑清荷上帝之垂  
休致中原之大定仰答自天之祐恭陳告謝之儀具物  
薦誠神心昭格霏烟呈瑞嘉氣降祥宜與寰區同茲胥

悅盡日月照臨之內罔間進極車書混同之邦咸均  
雨露庶成端拱永洽提封宜改乾德六年為開寶元年

### 宋會要

開寶九年十二月二十二日

太宗已即位

詔曰朕猥以眇躬

嗣守洪業託於人上奄宅域中常念王業之艱難勉副  
兆民之推戴神器大寶既負荷以維艱薄冰深淵寶臨  
履而增惕自躬親庶政勵翼小心晦朔僅同中外胥悅  
蓋宗祖之垂貺非寡昧之克戡今者方國會朝無防風  
之後至公卿在列見考文之益恭及物之澤未孚戴予  
之心斯切改元發號宜表於自新肆赦膏災聿彰於大  
賚可大赦天下改開寶九年為太平興國元年

太宗

太平興國九年十一月二十一日詔曰惟皇撫運建洪業於中區惟辟奉天表至誠於大報朕自祇膺眷命嗣守丕基夕惕晨興宵衣旰食九年於此罔敢怠荒而豐歲屢臻五兵不試符瑞昭應書執大同顧惟冲人何能致此蓋昊穹之所降鑒宗社之所儲休所以躬事禋燔告謝天地文物以之大備聲明於是孔昭六變升聞百神降降假純嘏之錫豈獨在予思與萬邦同茲大慶宜改紀元之號仍均作解之恩可大赦天下改太平興國九年為雍熙元年 雍熙五年正月十七日詔曰王者握圖御極膺駿命於上穹務穡勸農庇蒸民於率土朕嗣臨大寶十有三年每思勤儉之風用洽雍熙之化民惟

邦本雖無怠於輯寧食乃民天宜務敦於教導是用舉  
累朝之盛典籍千畝於近郊載陟青壇躬展接神之禮  
三推黛耜式隆敷本之風豈惟備郊廟之采盛抑亦勵  
蒸黎之播殖萬國駿奔而述職千官星拱以在廷望宮  
闕城社之尊睹聲明文物之盛豈惟寡昧獨荷於洪休  
思與華夷同均於大慶宜革紀年之號仍覃作解之恩  
可大赦天下改雍熙五年為端拱元年端拱三年正  
月一日詔曰朕司牧黎元對越穹壤小心祇懼明發不  
遑思以答上帝之眷懷躋羣生於仁壽而疆場甫定京  
坻屢登閭閻臻乎小康金革至於不用去秋以驕陽孔  
熾膏澤愆期分命近臣並走羣望徹縣減膳損抑斯甚

貼原擠壑祇畏彌深至誠上通靈應如響雲始膚寸已  
彰救旱之應雪復盈尺益表豐年之祥顧惟眇躬奉順  
天意宜革紀元之號用覃肆筮之思可大赦天下改端  
拱三年為淳化元年淳化六年正月一日詔曰朕以  
眇躬纘承丕構託於兆民之上二十載於茲矣夙興夜  
寐罔敢遑寧未嘗發一念不在於黎元舉一事不先於  
政教庶修人紀用答天工近歲已來荐逢災厲蜀士暴  
興於狂孽齊民頗匱於倉箱予心浩然罔知攸濟是用  
側身思道期合隆平彌增宵旰之憂果獲昊穹之祐祆  
氛漸弭禾稼咸登對越上天載深祇惕當惟新於大政  
庶免保於永圖發號改元與民更始宜改淳化六年為

至道元年

至道四年正月一日

真宗已即位

詔曰朕誕受皇圖紹承茂

烈深惟抑畏豈敢違寧歲阜民康邇安遠肅承上穹之  
眷命宅大寶以踰年四序復端萬物資始式遵古義俾  
易初元可改至道四年為咸平元年。真宗咸平七年  
正月一日詔曰國家皇天眷命四海歸仁太祖以神武  
定寰中肇基王業太宗以睿文化天下光闡洪圖朕以  
眇躬嗣承丕構仰荷餘慶俯臨萬邦夙夜憂勤不遑寧  
處五辰遷易七載于茲何嘗不寤寐賢良講求遺逸親  
決庶政期於小康永懷克恭式紹丕訓月正元日條風  
發春方貢在庭周行備列聿更元號用叶靈心宥罪布



和與物更始宜改咸平七年為景德元年 景德五年  
正月三日詔曰朕欽承命厯惠綏黎元撫御萬方憂勤  
一紀何嘗不順考古道惟欽永圖嚴紀事以奉神祇潔  
至誠以享宗廟刑政是恤茂育於羣生恩信所加同躋  
於壽域罔敢自逸期臻太和荷上帝之眷懷啓靈心而  
降鑒燭祥輝於內寢神告先期肅清醮於齋壇天垂寶  
籙誕敷粵訓垂諭眇姿清靜為宗濬發愛民之旨延洪  
儲祉遠踰卜世之期嘉應非常惕然增懼是用特均慶  
賜仰答高明虔遵錫瑞之文用易紀年之號式均大眷  
普洽洪休可大赦天下改景德五年為大中祥符元年  
大中祥符九年十一月十五日詔曰朕奄受元符克

昭駿命示以延洪之旨誨其清靜之方爰建號紀年用  
垂鴻而流慶登封喬嶽裡瘞隆惟薦錫蕃禧彌思昭報  
是用率寮區之臣庶崇霄極之尊稱屬獻歲方初涓日  
惟吉詣真居而致潔奉恭冊以陳儀將刊薦信之辭式  
舉建元之典歸尊之禮庶協於惟新誕告之文特申於  
先甲來年正月一日宜改為天禧元年 天禧六年正  
月一日詔曰朕祇荷慶靈嗣守洪業懼陟道之多昧念  
守文之惟艱未明求衣既寔忘食兢兢業業靡敢怠荒  
而天地儲休宗社垂祉嘉生屢降庶政斯和民俗阜康  
邊陲清謐興言致此並用愧懷屬歲律之肇新慶春祺  
之紛委式建紀年之號佇申及物之恩宜自正月一日

改元天禧六年為乾興元年

乾興二年正月一日

仁宗已即位

詔曰王者奉天子民握圖

御宇率循彝憲式煥大猷肆予冲人獲嗣丕構兢兢業

業罔敢怠荒曷嘗不念長世之善經思守文之格訓冀

隆先烈以保至寧而穹昊眷懷宗社垂祐九圍嘉靖百

穀豐登而又軒墀將相之臣告猷而休國表著簪紳之

列勤職以循公刑政交修夷夏胥悅顧慙涼德饗是洪

休屬萬彙發春三微戒序蕃禧載集景命惟新俾建號

以紀元庶與民而更始宜自正月一日改乾興二年為

天聖元年

仁宗

天聖十年十一月六日詔曰朕紹膺駿命

欽奉先猷繼累聖之成基為羣元之司牧內則慈闈申

誨叶助於懿綱外則多士盡規億寧於百度獲保丕構  
於茲十年念守文之至難思置器之攸重罔敢自逸期  
臻太和居常慮善納忠憂勤於旰日務農勸穡敦厚於  
時風懋建永圖庶無闕政昨以仲秋在序炎燎挺災諒  
儆戒之有繇顧眇冲之增懼伊禁闡之胥葺遂不日以  
斯成咸集事功聿新締構載安燕御之所敢忘修省之  
懷是用答二儀並貺之仁荷九廟發祥之祉潔齋路寢  
致明察之誠薦鬯太宮仲僕肅之志精衷翫展純嘏來  
同因紀號以建元庶順時而布惠爰臨端闕大賚庶邦  
可改天聖十年為明道元年 明道二年十二月二十  
四日詔曰朕欽膺駿命臨御中區守三后之成基為羣

黎之司牧四隅底定一紀于茲乃至圖任忠良博詢讜  
直罔敢暇逸務致隆平自明道之建元逮作噩之居歲  
侵災荐起嘆潦相仍人多癘疫之傷稼有蟲螟之害亦  
嘗去溢美之號損兼膳之珍宵旰不遑但虞於闕政牲  
幣靡愛徧禱於羣神然而豐澤尚憊和氣猶鬱物價騰  
湧編氓阻饑常賦既蠲廩粟皆振豈恤隱之心弗至致  
休若之應未臻測身內思其咎安在且夫陰陽之道巨  
測變則能通天地之戒甚明順則成福消災之理斯在  
影響之振可期惟上春首祚之辰及萬物向榮之始因  
舉授時之典載更紀歲之名祇若靈心庶迎丕貺式布  
惟新之令先申誕告之文宜改明道三年為景祐元年

景祐五年十一月十八日詔曰升禋陟配誠孝所以  
兼申擁休肆青人靈由其交豫朕奉承丕厯欽率先謨  
永惟置器之重浩若涉川之廣託在尊極弗敢違寧幸  
席成規侵尋至治而疆陲賓款歲物順蕃民罔時恫政  
克用又斯皆穹<sup>昊</sup>開佑之况宗<sup>祐</sup>燕<sup>燕</sup>昭之謀幽贊於茲  
朕將何力內循涼寡期保顧存是用圖講舊義茲修大  
報<sup>賜</sup>飾壇兆豐潔粢盛虔會迎長之辰躬陳合祭之典  
至于前獻道祖厯課廟昭盡禮經必先之文庶指王能  
享之義指事之日備物有嚴百執駿奔<sup>三</sup>聖<sup>二</sup>參侑獲率  
強功以底盛容居歆在上降鑒如答迪拜昨之吉敢曰  
餘勤霈崇朝之澤方思衆共再念嚮循羣議許加歲名

深揆浮實之華如垂克己之訓宜因冠號俾易建元顧  
無專享之福更示惟新之命可改景祐五年為寶元元  
年 寶元三年二月二十一日詔曰朕紹膺駿命繼御  
庶邦祇迪先猷甫浹章閔何嘗不稽探前載詢納通言  
克念永圖之安聿求小豎之助靡敢暇逸迄臻治康而  
近歲以來青災間作穹蹕示象星舍舛期靈戒有開史  
占攸著每惟涼薄茂對鑒觀夙夜疚懷微懼兼切企湯  
乙在予之詰慕周王側身之思屢省寶勤厥咎非遠雖  
復徹盛食之品躬旰朝之憂務罄焦勞以佇消伏是用  
推策正本協紀求中庶迎嘉氣之和式新端曆之授宜  
改寶元三年為康定元年 康定二年十一月二十日

詔曰朕繼膺寶命嗣守洪基荷上靈降鑒之祥奉列聖  
紹庭之憲撫寧輿運司牧黎元謹保盈成之難思隆久  
大之業祇勤並畏垂二十年何嘗不中具厲精幽微博  
聽慮一夫之不獲期百志之惟熙務湯銘之日新歎為  
疇之時若至於秉慈儉之訓絕游畋之娛器服屏調文  
之功刑政革煩苛之弊雖未臻於淳古庶無怠於始初  
幸以諸夏謐清百嘉稟茂民涵豐楙之樂物弭疵癘之  
傷玉燭四時蕭勺羣慝斯皆三神之所孚佑九廟之所  
擁綏豈繫眇眇之躬克召穰穰之福是用揆天元景至  
之序定國陽郊廟之儀皇穹地祇勗瞻嘉饗之厚藝祖  
文考懿陳升侑之嚴交集盛容克成美報禮繇衆舉慶



靡專承當天地並况之仁幸均大嘏法雷雨既解之施  
用需洪恩仍建號以紀元美受釐而布慶宜改康定二  
年為慶曆元年慶曆八年十二月一日詔曰朕執象  
御民稽古布度顧幅員之至廣常臨履以自持莫不順  
人之心奉天之道慮一物之失所期庶政之惟和稼穡  
雖登或未臻于豐稔兵戈載戢尚靡格於偃銷惕惕居  
懷兢兢在念惟茲黔庶僅底樂康而自春夏之交霖雨  
作沴傷暴禾麥壇溢堤防河北之民尤罹弊苦粒食罄  
闕廬室蕩空流離鄉園携挈老幼十室而九自秋徂冬  
嗷嗷道塗溝壑為慮愍其失業彌甚納隍當原究其  
來冀銷弭於災變宜均需澤以召嘉祥仍經紀歲之元

用冀自天之祐宜改慶曆九年為皇祐元年 皇祐六  
年三月十七日詔曰朕以寡聞守茲盈成緬念為君之  
難深惟置器之重罔敢怠忽思致治平而王澤未孚治  
道多闕皇天降譴太史上言豫陳薄蝕之災近在正陽  
之朔經典所忌陰慝是嫌尋災異之攸興緣政教之所  
起永思厥咎在予一人德不能綏理有未燭賞罰失序  
聽納不明庶政未協於中衆寃或壅於下有違萬物之  
性以累三光之明上穹動威陽精示變此皆彰朕過失  
警予省修畏天之威慄慄危懼若將隕於淵谷茲用惕  
於夙宵庶幾減損之誠或蒙降鑒之眷是用改避正寢  
御去常珍俾更元曆之名冀召太和之氣仍敷惠澤並

需青恩庶達眇冲之心更回億兆之祐宜改皇祐六年  
為至和元年以四月一日為始至和三年九月十二  
日詔曰朕贊承基緒繼御幅員周視萬機僅成三紀思  
守文之尤重念居上之至難或未明而衣或既盥食  
惟正人是訪惟公論是稽恬然過勤舉不知困此春云  
始平履或虧荷高明之博臨膺厚順之丕擁宗社降福  
士民輸忠眇眇之躬遄臻於綏又便便之政率遂於講  
修雖屬水潦遘災河流移道眷言方國咸克安安邦經  
所繫朕力何有亶茲循省彌用戰兢秋凜戒期農收畢  
務誕詢故事參繹前文約郊壇之儀嚴路庭之制工師  
虔鞏物品晏清祗罄誠忱潔伸款見上以答玄元之開

右下以新生聚之樂康寔通明靈文示時朕肝宜與兆庶  
共均休嘉式覃渙汗之恩仍易紀年之號以孚神祝以  
順物宜可大赦天下宜改至和三年為嘉祐元年

嘉祐九年正月一日

時英宗即位

詔曰朕以眇躬獲承洪緒

涉道猶淺燭理弗明大懼菲冲罔克負荷深惟抑畏曷  
敢荒寧然而仰憑社稷之靈俯賴股肱之助先帝至德  
遺惠結於人心列聖重光流澤長於世祚所以自新庶  
政甫涉適年中外人寧風雨時若惟春秋之正始蓋歷  
代之通規獻歲發春方臨於吉旦開元易紀祇率於舊  
章宜改嘉祐九年為治平元年

治平五年正月一日

神宗即位

詔曰朕膺憑几之遺音遵

委裘之定業動則銘於周鼎處則見於堯牆深虞朽馭  
之難持大懼畱田之弗獲恭思至道勉繼先猷米獲善  
謀不敢忽負薪之諫敷求吉言庶幾成構厦之功白雲  
未遑於遺弓馭景俄驚於過隙屬窮陰之畢歲肇蒼德  
以建正茂惟春秋五始之文載考人君逾年之制不求  
其端則不足以承天命不正其元則不足以法諸侯表  
嘉靖之休辰揭熙寧之美號欲躋黎庶永底時雍王統  
於此遂尊法衆繇之乃出混齊六合敢期盡入於甄陶  
鼓舞萬民將以一新其耳目宜自正月一日改治平五  
年為熙寧元年神熙寧十年十二月六日詔曰朕奉承  
聖緒一紀於茲兢兢業業罔敢暇逸賴天之祐年穀順

成其因來歲之正以新元統之號式循舊典對越神休  
宜自明年正月一日改為元豐元年

元豐九年正月一日

即位

詔曰朕紹承大統適駿燕

謀於乎皇~~世~~克孝維予小子未堪多難業業兢兢夙

夜欽止尚賴親慈擁佑神保況臨年穀順成方內安人

永惟春秋正始之義深見天人相與之符即位逾年改

元布政以俟屬景命以作新斯民顧惟守成敢忘繼序

宜自正月一日改元豐九年為元祐元年

元祐八年

四月十二日詔曰朕荷皇穹之眷命守列聖之丕基十

年於茲四海用乂日聽外朝之治躬勤萬務之微眇若

涉淵未知所濟顧念祇承上帝誕保受民惟駿惠於先

猷以繼隆於下武力稽仁祖之成憲思大文考之烈光  
其因盛夏之辰載新元統之號庶導迎於景眈用敷錫  
於羣黎宜改元祐九年為紹聖元年 紹聖五年五月  
十九日詔曰朕統承聖緒紹述先猷克享天心屢蒙嘉  
貺甘露荐降靈光屬天申錫無疆神璽自出顧德菲薄  
荷帝溥臨敕命之幾惟聖時憲嚴恭寅畏懼弗克勝思  
答神休以協瑞應其易統年之號用昭受命之符宜自  
紹聖五年六月朔改為元符元年

元符三年十一月十三日

徽宗已即位

詔曰朕丕承祖宗奉

若天命思建皇極嘉靖庶邦蓋嘗端好惡以示人本中  
和以立政日謹一日期月於茲稽歷數在躬之文念春

秋謹始之誼肇新元統國有常典是遵踰歲之期以易  
紀年之號宜惟昭示朕志永綏斯民庶幾仰協靈心導  
迎景福宜自來年正月一日改為建中靖國元年徽宗  
中靖國元年十一月二十三日制曰朕紹膺寶命祇遵  
洪圖躬勤儉以御邦本寬仁而敷政維先訓是式維師  
虞是從永言繼序之難克謹持盈之戒荷皇天之降祐  
蒙列聖之詒謀方夏入寧蠻夷賓服三時不害六府孔  
修建皇極而王道明即康功而民志愜以迪純熙之運  
以形平富之風宜朕德之能勝繫帝臨之下屬肇稱禋  
祀祇答閔休是用參酌上儀鋪昭曠典奉神考恭行之  
志繹紹聖申講之文將歲事於皇祇先致饗乎穹昊迺



侯景涓日飭躬紹虔裸清廟以肅將款園壇而拜享侑  
我烈祖秩於百神禮嚴欽翼之答樂備雖和之奏蒼璧  
既奠柴煙其升于時乾象粹精靈心嘉嚮和氣洋溢景  
光陸離瑞慶大來俾緝熙於純嘏膏澤並下用敷錫厥  
庶民豫建新元誕揚渙號可大赦天下仍自來年正月  
一日改為崇寧元年 崇寧五年七月十三日制曰朕  
克謹天戒順受民時若稽前王適追先烈卜降年之有  
永導新布之嘉祥宜因來歲之初是正紀元之號思與  
萬國哀對神休可自明年正月朔改為大觀元年 大  
觀四年十一月三日制曰朕奉承聖緒適追先猷荷穹  
昊之休蒙宗廟之祐昭事翼翼夙夜惟寅中外靖綏年

穀登稔禮樂明備百志用成嘉興多方布新顯號可以  
來年正月一日改元政和政和八年十一月一日制  
曰得天之紀上帝所以申景命之休以道為門聖人所  
以對高真之睠朕紹承丕緒祇遵先猷荷穹昊以降康  
罄寰區而作人法完令具禮備樂成迺追遠古之淳迺  
發內經之隱順斗布合宮之政分方調文鼎之和修德  
錫符維新九賓迎日推策載列三雍茲者氣應仲冬日  
極南至當甲子之月朔旦逢己酉之會復元遂契史臣  
之言上同黃帝之世於時太一適次乾維基迹潛官仰  
憲紫微之象妥神煥幄下娛黃祕之庭叢祥並祚于邦  
圖冠號肇更於年統興四時而合序以莫不增叅萬歲

以成純終而復始肆賜大號溥宥多方可大赦天下其  
今年十一月一日為重和元年 重和二年二月一日

詔曰農者天下之本朕躬執耒耜以勸天下賴天降康  
禮成涓日用協惟新之政誕揚率土之休可於布政之

初用冠紀元之號宜以重和二年為宣和元年

大興卷五十四  
又卷一萬六千九百四

宣和七年十二月二十九日

欽宗已即位

詔曰朕光膺眷祐

寅奉燕詒載惟菲薄之資獲撫盈成之運宵衣旰食  
靡遑發政施仁懷日靖四方之志經文緯武圖永康  
兆民之功式紀初元是新美號庶格神靈之助遂臻華  
夏之和茂謹王壽豈特遵魯史踰年之義適寧國步益  
將紹周人過歷之期自宣和八年正月一日改為靖康

元年

高宗建炎元年五月一日詔曰皇天祐宋卜世過於漢  
唐藝祖承周受禪同乎舜禹列聖嗣無疆之新德保邦隆  
不拔之基屬以朝姦稔成邊釁恃中都之安富忘外敵  
之憑陵馴致金人來犯京邑初登城而不下終邀駕以  
偕行痛念鸞輿遠征沙漠宗族從而盡徙宮闕為之一  
空仍抑臣僚俾僭位號朕以介弟之親而受指開元帥  
之所以總師方輸敵愾之忠並奉講和之詔豈徒變故  
終致陷危蓋嘗指日以誓諸軍使前迎而後請不憚瀝  
血而檄率土冀外撫而內親而三事大夫與萬邦黎獻  
共致樂推之懇靡容牢避之私謂疊疊萬機難以一日

而曠位矧皇皇四海詎可三月而無君勉循羣情嗣登  
大寶宵衣旰食紹祖宗垂創之基疾首痛心懷父兄播  
遷之難顧號令久隔衆罔繫心軍旅荐興農多失業慰  
民耳目之注數朕腹心之言爰布湛恩誕綏區夏可大  
赦天下朕惟火德中微天命未改考光武紀元之制紹  
建隆開國之基用赫丕圖並光前烈以靖康二年五月  
一日改為建炎元年 紹興元年正月一日詔曰聖人  
受命以宅中莫大邦圖之繼王者體元而居正盍新年  
紀之頌朕遭時艱難涉道寡昧熟視斯民之荼毒莫當  
疆敵之侵陵負此百憂於今五載曷嘗不未明求治當  
饋思賢念兩宮之遠而菲陋是安恐九廟之顛而艱危

是蹈苟禍可弭雖勞弗辭然生靈久困於干戈城郭悉  
殘於煨燼丁壯繫身於異域旄倪暴骨於中原田桑失  
時男女隳業僅存常產者苦斗饑之歛乍失故鄉者無  
尺土之依或逼飢寒散為盜賊始於莫之加恤終而無  
以自還致汝於斯皆予之過幸高穹之未厭哀否運之  
已窮戎馬雖來邊防粗備嘉興照臨之內共圖休息之  
期紹奕世之閔休興百年之丕緒爰因正歲肇易嘉名  
發渙汗於治朝需洪恩於寰海其建炎五年可改為紹  
興元年

孝宗紹興三十二年十一月十六日即位未改元詔曰朕仰  
膺太上皇帝付托之重夙夜圖回務隆紹興之聖政其

以來年正月一日改元為隆興令學士院降詔曰朕猥以眇身惕膺大寶問安視膳敢忘付托之恩任賢使能庶盡圖回之效自臨宸極眷閱朔辰躬親雖總於萬機利澤未周於四海而邇遐咸入邊鄙粗安豈涼德之克堪皆慈謀之所致屬當正歲肇易新名惟建隆創業之宏規洎紹興中天之聖烈繼高光之統並謹丕承合正元之稱用循故事其以明年為興隆元年 乾道元年正月一日制曰朕仰受燕謀獲承洪業刺六經之王制監百代之禮文治壇燎以祭天驚邊氛而遷日蓋昌陵始避於近晦在太宗嘗改而用辛誠意動而二儀通孝道尊而九廟格致隣國講休兵之好實上穹開悔禍之

期前事俱損弗念乎薄物細故烝民咸入靡分乎爾界  
此疆五辰循宣夜之曜三白示豐年之兆進玉卮而介  
親壽爰創縹儀偕椒屋以慶母慈有光徽躅祇荷博臨  
之況敢忘昭報之慶啓蟄而郊飭周人葉結之具奉牲  
以告協漢世竹宮之時式復孟陬之端遂蓬光甲之吉  
靈心可卜帝武是繩輒衷四極之雕用潔一純之薦歎  
閟宮而朝獻假太室以裸將酌泂襲不同之宜取齋戒  
自新之旨瑄璧填桌權火配黎高游滇滇臚所求美光  
旁燭百官濟濟敬厥事熙典備成載惟我宋之肇裡廼  
當乾德之盛際法皇祖紀元之義采義文行健之辭誕  
易嘉名以寧大器宜推作解之宥益廣好生之仁可大



赦天下其隆興三年改為乾道元年

乾道

九年十一月九

日制曰合二儀而歲事聿嚴報本之誠假九廟以揭虔式表奉先之孝朕親承慈訓寅紹丕圖念創業守文之難有臨深履水之懼宵旰將周於一紀幾康風謹於萬微庶與黎元共臻嘉靖荷上穹之孚佑賴列聖之儲休威械戢而疆場安農事邵而田疇闢氣順消乾溢之變政平亡愁嘆之聲顧非涼菲之堪敢罄齊明之報陽適亨於明復物正底於西成稽肆類於虞書丕講精禋之禮考思文於周頌並崇陟配之儀是用修朝獻於郊宮裸將於太室迺肅青城之駕迺親紫時之祠多士駿奔執豆邊而顯相一純致恪奉珪幣以忠誠神鵠吉而嘉

虞樂寫和而奮豫美光旁燭宵然盼鑾之交馨德昭升  
紛若福祥之下用覃四海之澤上接三靈之歡壽慈極  
以稱觴御端闈而肆青載惟年統仰體乾剛既用九以  
宅師將通貫變宜改元而發號茂介純熙肇易嘉名肆  
放慶賚可大赦天下其乾道十年正月一日改為純熙  
元年

淳熙十六年十一月十四日

光宗即在此改元

詔來年正月一日改元為

紹熙令學士院降詔既而詔曰朕懋懋基圖丕膺厯數  
相受一道月親奉於燕謀繼照四方時適乘於亨會粵  
銖臨御莫敢迨違幸農穡之初登屬邊疆之咸謐凡修  
庶政實踵成功荐推朔月之更寢告春朝之屆正歲序

事宜先紀號之新欽天授時尤重體元之始肆當穀旦  
肇易嘉名惟紹興宏遠之摹不忘取法而淳熙明昌之  
運方務祇承用乎億載之休光穆萬邦之聽其以明年  
為紹熙元年

全唐文

宋會要

光宗

紹熙五年閏十月二十一日詔來年正月一日改元為

寧宗己卯年未改元

慶元詔曰朕以眇身託于兆人之上惟日兢兢懼無以  
紹列聖之庥而對揚上皇之慈訓也永惟當今之務何  
者為急豈非欲百官修輔而民列力裕歟夫親君子遠  
小人慶厯元祐之所以遵朝廷也省刑罰薄稅歛慶厯  
元祐之所以惠天下也是彝是訓厯年彌長肆于中興  
舉編補敝皆於此乎取法克至今日中外人寧朕幸蒙  
遺業繩祖武而取一日忘乎振取美號於以紀元詩云  
不愆不忘率由舊章蓋庶幾周成焉慶元六年十二

月二十一日詔來年正月一日改元為嘉泰詔曰朕祇奉燕謀懋膺鴻業寅恭自度期克享於天心兢業惟幾陟丕釐於帝命粵臨大寶幸汔小康夫何降割於我家繼趣賓空於慈極痛念重憂之存集敢言定數之莫逃用震于衷深求其故諒災祥之在德何後責躬凜風夜之畏威力斬轉禍曹是三陽之協吉休茲七始之更華月窮星回旋啟亨嘉之會歲正事序誕迎交泰之期爰輯美稱肇新端朔迹武皇元光之紀有赫炎圖仰章聖景德之規益恢熙運率踐祚六年而後易顧流輝千載以相望肆惟冲人祇若前代方舉偏而補弊訖用咸和尚諸祉以垂恩其自今始匪獨覩一人之慶庶永均四

海之歡播告多方明聽朕志 嘉泰四年十二月十一  
日詔來年正月一日改元為開禧詔曰大易論變則通  
通則久莫如故以取新春秋謂正次王王次春尤重表  
年而首事朕猥漸涼德嗣守不基無怠無荒每躬親於  
庶政何修何飾可坐致於隆平賴宗社之翊扶荷穹祇  
之况施年穀婁書於中熟邊垂捕弭於外虞沆可小康  
未知仗濟宵旰焦勞而治効愈邈夙夜寅畏而和氣未  
臻至於衆大之區間有鬱攸之變士鮮公忠經遠之操  
人懷媮墮自營之私聞見熟為謂當然風俗流失恬而  
不恠思欲洗凡而破陋宜先滌穢以蕩瑕矧庚申受命  
以至今踰二百載自甲子循環而復始又六十年茲逢

續於方來期增光於既往爰因嗣歲載易美名法開寶  
肇造之初泊天禧全盛之日庶幾二祖之烈永底丕民  
之生既大號之渙孚宜洪恩之解作 開禧三年十二  
月二十六日詔來年正月一日改元為嘉定詔曰朕嗣  
承大統勤撫庶邦更星紀之一周見曆元之三易頻年  
相繼寰宇多虞邊釁遽開顧生靈之何罪蟲蝗為孽與  
旱潦以相仍皆權臣誤國之致斯在菲質應天之敢慢  
今則典刑已正綱紀益張乃因正月之和適際三陽之  
泰誕揚大號亶告多方取商宗嘉靖之言暨周王者定  
之義用光嗣歲式迓休祥庶幾叶氣之薰太平可望行  
見萬民之集得所為期衍丕祚於無疆與斯人而更始

新寶慶紀  
定端平嘉  
熙改元詔

英注更始下

大德卷一萬六  
二十九百二十四

所為期愆正祚於無疆與始人而更始 理宗嘉熙四年十月癸巳詔以  
明年正月初一日為淳祐元年勅門下春秋內夏外夷寔重三正之敝王  
者改元立號每因萬國之心朕猥以眇躬嗣膺大厯踐祚十有三載若沙  
春水臨朝一日萬機靡遑盱食既更張於鴻化期開際於多艱屬精難勤  
計効愈邀仰而觀諸天運未臻協氣之橫流俯而驗諸人情但見澆風之  
華競惟口興戎而民生匱藩身以曾而吏道衰疆場騷然戎狄驚甚必欲  
庶邦之靖必圖百志之安若非憲法於前猷何以作興於群聽重念仁孝  
兩朝之盛藹如唐虞成周之和節用愛人此嘉祐所以永天命維文緯武  
此享熙所以恢聖謨用表新年之名以達斯治之意期以明年正月朔為  
嘉熙元年 淳祐十二年九月壬午詔以明年改為寶祐元年十二月丙  
子朔詔曰勅門下更化則可善治所以開平之期發號而定誥教所以  
緝熙之慶朕昭承玉緒詔保受命荷上帝之降康蒙列聖之垂祐既歷三  
紀夙夜罔敢違寧在綏四方淵未未知彼濟每兢兢而行道期穆穆以



開慶景祐  
 咸清改元  
 詔未注實祐  
 元年

衡然察文審已而庶政靡齊務本重農而群生寡遂朝綱隳而積玩吏習  
 粗於懷私國勢僅定而未強邊機多虞而未靖思報以圖其易補弊而舉  
 其偏惟三百年德澤之深式克至于今日而萬億載基圖之永用昭受於  
 天休欲通變於宜民乃取斯而凝命若稽成憲通廣駿聲法勢之宏規會  
 車書之一統理仁祖之盛際致朝野之咸和爰易嘉名以興嗣歲遵迎善  
 慶振起群心誠凝常久之功永底輯寧之福其以明年正月一日改為寶  
 祐元年 咸熙十年七月癸未奉遺詔即皇帝位于樞前甲子詔以明年  
 為德祐元年 德祐二年五月乙未朔宜中等立昱于福州以為宋主改元  
 景炎元年四月戊辰昱殂于硤洲其臣號之曰端宗庚午衆又立衛王昺  
 為主以陸秀夫為左丞相是月有黃龍現海中五月癸未朔改元祥興